


BIBLIOTECA NAZ.
Vittorio Emanuele III


XXV


A

46

NAPOLI









EXERCITATIONES DUÆ.

Quarum prior

De Passione Hyfterica:

Altera

De Affectione Hypochondriaca.

Authore

NATHANAËLE HIGHMORO,

Artium & Medicina Doctore.

Editio secunda priori emendatior.



AMSTELODAMI,

Apud Casparum Commelinum.

ANNO 1660.



ALMÆ MATRI,
OXONIÆ, CELEBERRIMÆ ACADEMIÆ,
ORNATISSIMISQUE VIRIS,

THOMÆ BARLOW,
REGINENSIS COLLEGII PRÆ-
POSITO DIGNISSIMO,

ET

RADULPHO BATHURST,
MEDICINÆ DOCTORI,
ET COLLEGII SANCTE TRINITATIS SOCIO ORNATISSIMO;

SIBI MULTUM COLENDIS,

EXERCITATIONES
HASCE MEDICAS

DE


PASSIONE HYSTERICA;

ET

AFFECTIONE HYPOCHONDRIACA,

Amoris ergo officiosè & ex
Animo D. D. D.

Nathanaël Highmorus.





LECTORI CANDIDO.

Affectiones istæ (*Lector Amice*) non minus doctorum ingenia, quam laborantium corpora diutissime cruciavere. Neque adhuc difficultates hasce solertissimorum extricavit industria, quin animus veritatis avidus in abstruso adhuc & tenebris versatus, quasi in luto hæreat; nec incassum minus satisfactio- nem, quam remedium, ægrotus, in discordantibus multorum opinionibus, quæsi- verit: uti cuius morborum phænomena perlustranti, eaque serio cum causis, in scriptorum paginis designatis, conferenti, erit manifestum. Mirum sanè non est tot miseros misellasque cuiusvis ætatis, sexus ac conditionis, morbos hosce tam pertinaciter, ad Medicorum usque opprobrium, affligere: cum neque pars affecta, nec causa morbi immediata rite cognita, remedium direxerit. Uterus ac Lien in

affectibus his malè semper audiverunt, quam injustè autem, facile erit ostendere. Quod ad primum spectat, non alià inducti ratione uterum accusant, quam quod fœminæ solum affectui huic sint obnoxie, aut quod motum perobscurum in paroxysmis sentiant in abdomine; cum interea cæterorum symptomatum & causæ, & partes, à quibus immediatè effluxerunt, negligantur aut ignorentur. Neque minus erronea est ista Lienis Hypochondriacorum accusatio. Multum sane illorum miror ingenia, qui partis alicujus delicta & errores tam perspectè designare possent, cum de officio & usu illius nihil certi constet. Cum itaque prioris ævi scita erronea de usu ac vitiis partium, morbos hosce proluxiores ac rebelles magis reddiderint, curamque difficilem in annos sæpe, quandoque ad vitæ usque terminum, protraxerint: quod in scriptis reperire non potui, diligentiori scrutinio in vivis spirantibusq; exemplis perquirere statui. Diu itaque morborum symptomata, eorumque varia
per-

perpendens phænomena, motum illum in hysteriarum abdomine, non ab ascendente utero, sed à descendente diaphragmate profluxisse, læsamque respirationem pulmonum infarctum, non uterum effecisse animadverti: Lienisque structuram cum officio non convenire, nec locum pro hypochondriacorum fluctuationibus ac murmurationibus in illius angustis reperiri, & ventriculum semper fuisse inflatum, cum pertumidum medici damnarent lienem; atque ita ab alio fonte emanasse symptomata intellexi. Quod itaque crebris observationibus sedulo sum exploratus, hîc in medium proferens doctiorum examini submitto; & quod nostra assequi non poterit imperfecta observatio, à felicioribus sequentis ævi ingenii in apricum proferri exoptamus. Quos si ad penitiorem veritatis indaginem, hoc nostro labore incitaverim, & ægrotis reique publicæ medicæ pergratum opus me exegisse reor.

N. H.

INDEX CAPITUM.

Exercitatio Prima.

C A P. I. P	Articularis morbi Historia.	pag. 1
I I.	De causis affectus hujus uterini, secundum auctores tam veteres, quam neotericos.	14
I I I.	De parte affecta, & morbi definitione.	16
I V.	De morbi causa continens & antecedente.	27
V.	De juvantibus quomodo mali causam illustrent.	31
V I.	Quæ in affectu hoc nocent, morbi causam denuntiant.	35
V I I.	Quomodo passiones affectum hunc incitant.	39
V I I I.	Cur feminae solum hoc crucientur malo.	45
I X.	Quare in omni sanguinis fusione & febribus non invadat hystericus paroxysmus.	50
X.	Quomodo spiritus animales, in cerebro & nervis repositi in sanguinem ceterosque humores & in copulentiora musculorum corpora agere possint.	52
X I.	Quomodo spiritus hi designatas partes petunt.	54

Exercitatio Secunda.

C A P. I.	Particularis morbi Historia.	61
I I.	De parte affecta.	68
I I I.	De Affectiois Hypochondriacæ Causis.	74
I V.	De Lienis usu & officio.	83
V.	De succo Acido seu Melancholico.	100
V I.	Historiæ cum causis examinatio.	112
V I I.	De juvantibus in hypochondriacis affectibus.	125
V I I I.	De nocentibus in hypochondriacis.	132
I X.	An chalybs in Affectioe Hypochondriaca utilis sit?	133

πνιξ ὑστερική.

SUFFOCATIO UTERINA,
SIVE
STRANGULATIO EX UTERO.

EXERCITATIO I.

CAPUT I.



Passio Hysterica, five ex utero suffocatio, est affectus fæminis familiaris, quo suffocari & quasi strangulari videntur. Quasi ab utero, seu partibus fæmineis, causam suppeditantibus, dira hæc mirandaque symptomatum cohors ortum peteret.

De nominis Etymo parum solliciti, hîc non multum litigabimus, uti nec, morbus, an symptoma fuerit hæc passio. Sed ut clarius atrocissimi hujus affectus innotescat natura; cùm non minùs sit in accidentibus mirabilis, quam in symptomatibus varius, ut inexpertis sæpe suspicionem Numinis præbuerit, historiam ejus brevi sic depingendam curavimus.

Affectus hic five symptoma plures actiones lædens, in Temperamentis pœne singulis,

lis, præcipuè autem cholericis, ad iram pronis, & otio educatis, in quibusvis ætatibus, virginibus præcipuè calidioribus, Veneri pronis, viduis, vetulis, etiam prægnantibus cacochymicis, & puerperis cernitur. In juvenibus plerumque delinit cum parere incipiunt. In senioribus, si diutiùs duraverit, propter cacochymiam, vix curatur, in prægnantibus & puerperis periculosum valde habetur malum.

Statis nonnunquam affligit periodis, certosque circuitus, nunc annuos, nunc quovis mense, septimanâ qualibet, aliquando singulis redit diebus. Nunc vagus, prout externis accidentibus, insueto aère, vel passionibus commoventur humores, nunc crebrius, nunc rarius, paroxysmo nunc brevior, nunc longior, in misellas furit.

Insultus paroxysmi frequenter subitaneus est, nonnunquam verò prænuntios habet magnos, capitis, frontis maximè, temporumque dolores, aurium tinnitus & pulsationes, tristitias, cordis tremores, aliquando durabiles satis, nunc citò rursus evanescentes, cibi fastidium, aspectum tristem, ac faciei pallorem, spontaneas lassitudines, vagosque in artubus dolores.

Paroxysmo invasuro graviora ingruunt symptomata, excruciantque cordis gravitas insignior, animalium actionum omnium corpor. In ventre infimo, præcipuè sub Hypochondriis, globi ascendens motus

Dia-

Diaphragma impetuosè comprimit. Ructus, oscitatio, pandiculatio, respiratio brevis ac crebra & tandem nulla, morbi adventum monstrant: Cordis inde palpitatio fit vehementior, pulsus imminutus aut nullus. Per gulam quiddam, respirationem intercipiens, ascendere sentiunt. Mox brachiorum crurumque varii motus convulsivi, distortionisque capitis ac manuum stupendæ, gesticulationes miræ, desipientia, fletus, risusque alternatim inlequuntur, frontis temporumque venæ turgescunt, totaque facies aut summè rubet, aut tandem livescit. Oculi inversi sunt, palpebræ frequenter dehiscences, totum oculi album ostendunt, dentes arctissimè cohærent, ac inter se colliduntur; cervicis vasa, venæ scilicet & arteriæ, distenduntur; vox, ut in strangulatis, aufertur, nihilque nisi gemitus & suspirium est; etiamsi vehementer inclames, non sentiunt. Sensus interiores omnes abolentur, simul & exteriores; finito paroxysmo, aliquando ipsis nihil ignotum erit, nonnunquam omnia circa ipsas acta ignorant: deliria & convulsiones cum syncope, spumâ nonnunquam per os profluente, tragiæ huic complementum addunt. Oculi clausi manent vel fixi. Totumque corpus refrigeratur adeo, ut per dies aliquot non raro inter mortuas enumerentur. *a* Tandem, suspiriis altis emis-

A 6

lis,

sis, fletu sæpe largiore accedente, ad sese redeunt.

Sternutatio si superveniat citò paroxysmum claudit.

Placato paroxysmo, de angore cordis capitisque graveline conqueruntur. Languidæ corpore, viribusque destitutæ, per dies aliquot insequentes jacent.

Quæ juvant, aut levamen saltem aliquo modo inferre videntur, sequuntur, sic à medicis enumerata.

Abdominis utrinque compressio, vel à fasciis valida constrictio, usque ad paroxysmi finem, plurimum juvat; sicuti & graveolentia naribus, pudendis autem suaveolentia admota. Aquæ frigidæ haustu largiori sæpe à Paroxysmi vehementia liberantur. Frictiones extremarum partium, ligaturæ dolorificæ, clysteresque revellentes multum prodesse videntur. Aquæ spirituosæ, theriacalis scilicet, Epileptica Langii, & hujusmodi simplicibus calidioribus, vapores ac flatus discutientibus, medicatæ, maximè accessioni minuunt; atque ideo Bezoartica omnia maximo cum emolumento exhibentur.

Quæcunque sanguinis orgasinum concitio rem restringunt, tenuioresque ejus partes incrassant, & ad debitum temperamenti statum reducunt; contra illius impetum maximè valent.

In ipso paroxysmo, sanguinis ab extremis artubus detractio manifestè levat, eaque reite-

reiteratâ solâ , sæpissimè insultûs vehementiam fuisse fractam , motusque convulsivos profligatos , vidimus , cùm cetera omnia remedia nihil profecissent.

Sunt & quæ extrinsecus adhibita paroxysmi furorem irritant , vel insultûs adventum accelerant , & durationem augent : ita suaveolentia vel in accessione , vel extra , ferre nequeunt , imo sæpe horum solummodo odore recrudescit malum. Quavis vehementi passione commotæ , vel ad iram , timorem , amorem , aut si nimium calore æstatis , hypocausti violentiore , subito infervescant , aut frigore intensiori diu pori constringantur corporis , passio hæc incitatur.

Extra paroxysmum , dorsi doloribus , capitis gravedine ac distentione , partium extremarum cruciatibus , fumisque calidioribus faciem ac caput petentibus , vexantur. Aliquando laxatis articulorum ligamentis , motus vel impeditur , aut cum fragore quodam efficitur ; palpitationes cordis sæpissimè molestant , murmura ac rugitus frequentissimè sub Hypochondriis exaudiuntur : nunc frigida , nunc calidissima auræ ascensus per dorsi longitudinem , nonnunquam rapidissimus percipitur. Et si diutius duraverit intemperies , & accessionum frequentia supervenerit ; etiam extra paroxysmum actiones læduntur animales , & vel memoriâ abolitâ , aut diminutis cæteris animalibus actionibus , insipientes exinde redduntur.

Sunt & alia symptomata huic cognata, maribus æque ac fæminis communia; quæ ut historiam hanc perficiant, sic ad causarum detectionem inservire poterunt. Suntque Epilepsia, Convulsio, Incubus & affectio Hypochondriaca. In quibus præter motus convulsivos, in paroxysmo adsunt suffocationis metus, faciei livor, venarumque ejus summa distensio, respirationis interceptio, thoracis laterisque maxima compressio, quibus manum, ut dolentibus semper, admovent. In singulis verò hisce symptomatibus non omnia enumerata reperiuntur signa, sed in omnibus quædam inveniuntur, à quibus atroci huic affectui cognitionem vendicent.

Absolutâ sic morbi historiâ, quæ & futuri & præsentis paroxysmi signa illustravit pathognomica, quibusque remediis contemperatur symptomatum furor, quibusque incitatur, designatis, facile erit hinc & partem affectam & mali authorem seu causam investigare.

C A P. II.

De causis affectus hujus uterini, secundum authores tamen tam veteres, quam neotericos.

Quia affectus hic muliebris est, utrum mali authorem esse penè unanimo consensu contendunt Medici, quem feminis

nis corrupti, aut sanguinis menstrui vapores sursum ferentes, motus in ventre ascendentis globi æmulantur: Diaphragma, respirationis organa, ipsumque cor inde violentâ compressione oppugnantur, & suffocatio serio metuenda est: tandem succedunt Syncope, cordis motus, ac pulsus abolitio.

Alii hanc uteri in Diaphragma violentiam suspectam habentes, ad vapores, à feminis aut menstrui sanguinis in utero corruptela, malignos recurrunt; qui prout in diversas elevati distribuuntur partes, earum actiones lædunt. Ubi ad cor feruntur, ejus actiones prosternunt, ac spirituum influxu ad extrema inhibito, totum extra frigescit corpus, facies pallescit, pulsus imminuitur, imo Lipothymia & Syncope, sequuntur.

Neque cerebrum diu à vaporum furore ascendentium est immune, sed venenata illorum qualitate consternatum, spirituum fluxus animalium prohibetur, sensus & motus omnis læditur, thoracis actio & Diaphragmatis impeditur, & respiratio redditur difficilis: Eodem modo quo dormientibus Incubo vox intercipitur, sensus tam interni quam externi depravantur, motusque incitantur convulsivi.

Carolus Piso motus convulsivos in hoc affectu non à vaporibus, sed à repletionem cerebri ex proluvie serosa enasci putat, cum scilicet à repletionem serosa in latus distendatur cerebrum ac sese brevius afficiat, totum

tum genus nervosum ad se trahere, atque sic motus illos inordinatos edere, constantefque inde rigores in Hystericis inveniri autumat. Recentiores verò cum ad membrorum motum, nervos solum pro spiritibus vicem supplere canalium, quibus aliis partibus transferantur & musculos immediate partes moveat singulas intellexêre; hujusmodi nervorum à repletione contractionem, non minus quam Hippocratis inanitionem, à causarum excluderunt classe.

Hecstæterus affectûs hujus causam, nec à viri contubernio consueto omisso, ut in viduis, nec à feminis corruptione in vetulis, quæ virorum concubitu nunquam gavisæ sunt, admittit, neque minùs cordis refrigerationem, vel alterationem, vel fugâ ad extra, vel revocatione ad intra caloris, factam damnat. Quin nec dissipatione spirituum, aut vitalis humiditatis (cum citò excitentur) fieri contendit. Ob cerebri verò & cordis quietem effici concludit. Cor autem ventriculos, ne virus Hystericum ingrediatur, contrahit, à pulmonibus aërem non repetit, sed humor vitalis quasi coagulatus immobilis in ventriculis latitat, pulmones & thorax ad motum non sollicitantur, à cerebro vim moventem non flagitant; Cerebrum à veneno consternatum cessat à motu: prout membrorum horum arces dispositas reperit, ita suas actiones dirigit venenum. Non autem à reatu omnino uterum excusat, sed ad
spasmo-

spasmodicam affectionem ejus errorem accedere opinatur, quæ si reliquis connatis partibus nervosis communicetur, assurgunt & illæ in hostem. Primò abdominis, mox thoracis partes musculosæ tenduntur, respiratio hinc difficilis, mox impedita fit, medicamentis verò dissipantibus absumentur vapores, ac uterus ad locum redit proprium.

Quod ad matricis spectat motum sive proprium (quasi animal foret, uti narrant cogitasse Platonem) sive à vasorum inanitione (unde appetitu humidi sursum ferri uterum vult Hippocrates) sive à plenitudine (ut mavult Galenus) sive à vaporibus ac flatibus incitatum, cum ascensus cujusdam quasi globi in ventre inferiore Diaphragma prementis, paroxysmi hujus semper sit comes crudelis, nefas erit jam mulierculis non consentire, motumque hunc ac mali totius causam non ascribere utero, præsertim dum tota penè medicorum cohors illarum insomniis aditipulatur.

Uterum verò hujus erroris fuisse conscium admittere nequeam. 1. Quia affectûs hujus symptomata ab aliis dependere causis videntur, ut fuliùs infra demonstrabitur. 2. Quia talis motus quo Diaphragmati vim inferre videtur, utero non competit. 3. Si motus iste ascendentis cujusdam in ventre infimo non sit matricis, nulla cogit necessitas, ut cor aut cerebrum aliasve partes à vaporibus uteri malignis periclitari, mirandorumque

rumque omnium symptomatum authorem fuisse concedamus.

Motus vero iste utero non competit, 1. Quia omnis motus locomotivus (qualis iste uteri, secundum Hippocratis, Platonis, Galeni & aliorum placita, si quis sit, foret) per fibras nervosas parti movendæ, alterique mobili affixas efficitur; quibus contractis mobile ad immotum trahatur. Neque ullo modo ultra fibrarum principium, seu immobile, illud quod moverur, progredi poterit. Uterus autem cum sit pars corporis membranosa, inferioribus duobus vinculis, totidemque superioribus, regioni propriæ affixa; nec se movere, nec à ligamenti ultra sphæram attrahi poterit. Accidit verò nonnunquam ut laxatis malèque dispositis superioribus vinculis, propria uteri gravitas deorsum tendat; laxatis etiam inferioribus, arrodente vapore incitata superiora sursum trahere uterum certum est. Ultra verò partem, cui & ipsa affiguntur ligamenta, matricem attollere nequeant. Vincula superiora, cum ossis Ilei lateribus annectantur, nequaquam ad septum usque auxiliaribus hisce uterum adigere poterint: quia ultra fibrarum originem nulla datur trahendi potentia. Os verò Ilei infra septi stationem multò deprimitur.

Neque magis a flatibus inclusis clavatus uterus, quàm à motu proprio, aut gravitatione in puerperis, aut ventriculi & coli inflatione

tione offendit. Ad ventriculum usque extensa matrix in gravidis, nec talem edit motum, nec tam atroces generat affectus. Inflatus ventriculus Diaphragma forsan premit, motum ejus liberum aliquantisper restringit; non respirationem tollit, aut convulsas relinquit. Medicorum observationes de uteri inflatione & hydrope, severiori scrutinio examinentur, & stupendas ejus extensiones, ulnas nonnunquam binas vel tres excedentes, cum variis humoribus inclusis, iisque putrescentibus, non tamen symptomatum horum suffocationis aut ascendentis globi, conscias inveniemus.

Sennertus hujusmodi pressus angustis, uterum suis vinculis restrictum, regioni propriæ affixum reliquit, & Testiculos fæmineos (qui laxius pendent, nec alicui arctè alligati, ut uterus) hujus mali motusque reos arguit. Qui à feminis corrupti vaporibus inclusis elewantur, & ascendentes septum violant, ac respirationem lædunt. Opinione & observatione Riolani suffultus, qui Anthropograph. Lib. 2. Cap. 34. Scribit se in Hystericis virginibus deprehendisse testes pugno grandiores, seroso semine turgentes, quin etiam Tubam uteri amplificatam & valde dilatatam.

Qui verò in dissectionibus versatus anatomicis testiculorum structuram & situm accuratiùs perpenderit, & illos etiam regionibus propriis affixos & immobiles inveniet.

veniet. Neque major in illis reperitur levitas, quam in utero, ut inflati septum violare poterint. Vapores inclusi partes illorum distendere ac intumescere, non locomovere possunt: ut ascendant globi instar. Neque semper in hoc affectu semen invenitur corruptum. Juvenulæ nuptæ quæ plures ex viro contubernio proles susceperunt, vel in mediis virorum amplexibus, hujusmodi sæpe cruciantur symptomatibus.

Nec minus injustè sanguis accusatur menstruus, licet retineatur. Non enim in gravidis per novem menses detentus, nec in quibus ad annum vicesimum, & ultra fluxus hic expectatur, symptomata hoc concitat. Alias vero, rectè accedentibus menstruis, Hæmorrhoidibus identidem ubertim fluentibus; quibusque singulis quatuordecim diebus fluxus iste irritatur, ab atroci hoc affectu etiam vexari, medicorum observationes & frequentior experientia abundè testantur. Non itaque à retentis menstruis generatur.

Prædictis non acquiescentes ulterius obijciunt; licet semen in utero aut vicinis vasibus non corrumpatur neque sanguis menstruus retentus sit, ut eo nomine putredinem acquirat, unde vapores venenati vitalia ac cerebrum oppugnent; humores tamen illic congesti peculiari modo corruptionis à peculiari substantiâ nato, malignitatem induente, putrescere & ad partes nobiliores vapores malignos transmittere poterunt. Quasi con-

nata

nata & naturalis in utero foret malignitas, quæ humoribus putrescentibus hoc contri-
bueret venenum. Humores in aliis corporis
partibus corrupti, vel sanguis seu bilis, aut
pituita, talia non generant symptomata, sed
peculiaris uteri substantia illud, quod Phleg-
monem duntaxat in aliis partibus efficeret,
hic in venenum commutat. Sed hic rationem
afferre debebant quare malignitas illa natu-
ralis, sine humorum accessione, perpetuos
non evomat vapores: aut quomodo paro-
xysmi fit intermissio, aut quare sexus mulie-
bris totus crudeli huic non sit obnoxius af-
fectui? in singulis enim uteri peculiaris ista
reperitur substantia, nec desunt humores qui
malignitatem istam induant; à singulis luna-
re non solvitur tributum, nec causa nec mate-
ria desunt, solum effectus desideratur, omnes
crudeli hoc carnifice non cruciantur. Pereant
itaque & hæ claudicantes Hystericorum
symptomatum hypotheses, nec majorem an-
tiquorum insomniis invenient gratiam.

In Hepatis Anatomia, à Dr. Glissonio
nuper edita, aliam hujus affectus rationem
invenio. Ubi uterum partem principaliter
esse affectam statuit; motum vero illius
ascendentis quasi globi in ventre, & suffo-
cationem ab illo proficisci non posse indi-
cat. Sed vel per sympathiam, vel à vaporibus
ab utero elatis muscoli abdominis affe-
cti, ut malum excutiant vehementi nisu con-
trahuntur, intestina fortiter comprimunt,
tanta-

tantaque violentia sursum adigunt, ut Diaphragma inde motum suum deorsum versus expedire nequeat, unde suffocatio advenit: motum verò illum seu tumorem ascendentem in ventre, esse duntaxat partium quarundam muscutorum abdominis peculiarem mobilemque convulsionem, nempe in uno aliquo musculo, aut nonnullis illius fibris arbitratur; adeo ut convulsio ejusmodi ab his in illas ejusdem musculi aut alterius fibras reptet, & quoniam fibras quas obsidet instar nodi aut tumoris attollit, locumque variè mutat, inde factum ut tum ægræ, tum alii, tumorem hunc mobilem sentientes, matrici hanc loci commutationem adscribant.

Motum verò illum in ventre Hystericarum, atque inde suffocationem, à particulari muscutorum abdominis convulsione provenire non posse arbitramur.

1. Quia Muscutorum fibræ in abdomine dum contrahuntur, in tumorem se attollere nequeunt, contractæ enim distenduntur in latus, breviores & rigidæ fiunt, suisque affixæ terminis, extrorsum non impelluntur, sed omnia introrsum adigunt, simulque & ipsæ deprimuntur, atque ideo ut in tumorem seu nodum talem convellantur, illarum potius relaxatio, quam constrictio requirit.

2. Convulsio fibrarum, atque inde motus ille & perreptatio secundum fibrarum rectitudinem

tudinem fieri debet à capite versus caudam ejusdem musculi; Atque sicutumor ille nobilis vel obliquè descenderet, si in musculo oblique descendente; vel oblique ascenderet in obliquè ascendente, vel transversim in musculo transverso perreptaret. In rectis solùm versus Diaphragma ascenderet, qui cùm medium abdominis ad latera umbilici utrinque occupent, mobilis illa fibrarum convulsio & tumor solùm in medio ventris inveniretur. Admota verò manus etiam in Hypochondriis utrisque inveniri docebit.

3. Motum istum ascendentis globi & suffocationem in expiratione solùm sentirent, si à contractione & convulsione musculorum abdominis fieret. Musculi enim abdominis expirationi ancillantur, quorum nisu & contractione inspiratio omnis intercipitur, viscera inferioris ventris comprimuntur: & abdomen decedit ac detumescit, sed tumorem illum, dum inspirat ægra, aliùs ascendere admota manus docebit; dum scilicet septum, continuatâ sui ipsius contractione, viscera inferiora, ventriculum scilicet inflatum deprimit & intestina, tunc abdomen attollitur, & ventriculus inflatus cum intestinis tumorem efficit in hypochondriis; ut à qualibet septi contractione novâ, ultra ascendat, & quasi movere quidquam cernatur. Ergo non à contractione Musculorum abdominis producitur,

Motum

Motum hunc, inspirante ægra, fieri diximus à contractione & descensu diaphragmatis, cujus motus obscurus continuò deprimat intestina & ventriculum, licet inspirare non cernatur ægra; imò omnis respiratio planè intercipi videtur, & inde suffocatio insequitur: quia contractum & quasi convulsum septum contractioni musculorum abdominis non cedit, adeo ut nulla fiat fuliginum exspiratio, aut pulmonum à sanguinis spirituosissimi infarctulacunatio, nulla contemperantis aëris novi admissio, unde necessariò sequitur suffocatio.

Causarum hujus mali catalogum, à peritissimis tam antiquis quam recentioribus prolatum medicis, habetis ventilatum. Neque tamen quamvis morbi historiarum quadrantem, aut ejus phaenomena soluta invenio: quæ itaque in damnatorum locis substituiamus, subsequens demonstrabit enarratio.

C A P. III.

De parte affecta, & morbi
definitione.

MAli causam descripturus, definitionem primò expediam, partemque affectam designandam esse necesse est.

Passio hæc (Hysterica dicta) est strangu-
latio à nimio sanguinis subtilis ac flatulenti
in

in pulmonum vafibus cordisque thalamis, infarctu orta: Quo pulmones motum fequi thoracis & Diaphragmatis inhabiles, ac cor fuos figus ab infarctu illo pleniori, per pulfus, licet frequentiores, liberare ineptum redduntur. Atque hinc neceffariò insequitur primò dyspnœa, & inde fuffocatio, quam ut effugiat natura, facultatem invitat animalem, quæ ne fimul cum vitali pereat, fpiritus fuos copiofe, licet inordinate & irregulariter, emittit, qui fic profufi, motus tales irregulares, quos convulfivos vocant, excitant.

Definitio hæc descriptiva ex morbi hiftoria examinata, & affectam partem, & morbi symptomatumque caufam facile commonftrabit. Quæcunque enim caufa huic affignabitur, & omnibus vel plerifque hiftoriæ obfervationibus non refpondet, eam ex fufficientium caufarum catalogo delendam effe iudicamus.

De parte affectâ garrulam fatis inter Authores foveri controverfiam superiores paginae retulerunt, quorum opiniones ut claudicantes, & hiftoriæ morbi non refpondentes, repudiavimus. In definitione verò ftatuimus partem in atrociffimo hoc affectu, & in paroxysmi furore præcipue laborantem, effe pulmones, cordique contermina vafa: a Pulmones fanguinis flatulenti, tenuioris, fubitoque rarefacti, infarctu gravati, à fepto

B

a Pars affecta in Hyftericis.

à septo ægrè sollicitante, moveri non poterint. Cordis thalami & auriculæ, copiâ irruentis sanguinis inflati, per pulsus laboriosè licèt repetitos lacunari nequeant. Hoc ipsum prænuntiæ indicant tristitiæ, cordis anxietas, tremor, palpitation, pulsus frequentia, debilitas, intermissio, & tandem quies, cum motus cordis planè defecerit, Lipothymia & Syncope. Pulmonum gravitas & ad motum ineptitudo, anhelitus graves, suspiria alta & frequentiora, thoracis quasi compressio, & in gulam ascendentis cujusdam respirationem planè intercipientis sensus; ac labor diaphragmatis sollicitus, quo onere isto gravatos pulmones liberet, partes hæc laborare demonstrant: cum enim pulmones adeò infarcto sanguine graventur, ut à motu thoracis & diaphragmatis ægrè attollantur, quasi quidquam in gula ascenderet, queruntur misellæ: cum revera ipsi pulmones, ob pondus insuetum, movere, & ob quietem ærem admittere nequeant. Actiones hæc læcæ, propria & parhognomica Hystericæ affectionis signa, locum affectum seu proprium morbi subjectum enodant; utrumque à reatu prorsus excusant. Præcipuè pulmones affectos esse diximus, cum verò incensus suam sanguis extendit tyrannidem, in singulas penè corporis regiones diffusus dominium exercet; dum in pulmonibus sistatur motus ejus circularis, vasibus illorum sanguine jam copiosè infarctis

farctis, cordis dexter ventriculus lacunari nequit. Sed obice hîc ſanguini objecto, jam ebullienti; in vaſa refluit majora, truncum Cavæ deſcendentem, & jugulares, quæ ab arteriis continuatis ictibus ſucceſſivè adimplentur, capitiſque vaſa diſtendit multum, ac inde primò gravedines, dolores inſignes, ac pulſationes efficit, deinde faciei, frontis, ac colli tument venæ, totaque facies ex abundanti ſanguinis æſtuantis profluvio rubet maximè, ac tandem livet. Neque aliter ſeſe habent malo hoc laborantes; quàm ſi funibus ſtrangulatæ forent, eodèmq; modo ſpiritus ſuffocantur & mors ipſa inducitur. Huic ideò non rarò ſuperſevenit Apoplexia, cùm à diſtenſis vaſibus ſpirituum animalium interdicatur profluvium.

Hinc per dies aliquot paroxyſmo peracto, à vaſorum ſummâ diſtenſione, de capitis gravedine, hebetudine ſpirituum, angore cordis, & triſtitiâ conqueruntur. Oculis etiam caliginem, ventriculo naſeam, & ciborum ſætidium, extremis dolores excruciantes, articulis debilitatem affert paroxyſmus præteritus. In inteſtinis viſcoſos humores diſcutit in flatuſ; atque hinc rugitus & murmura, dolores in hypochondriis luxuriant acuti. Unde lien ſemper malè audit, ventriculus & colon flatibus diſtenduntur, adeo ut & extra paroxyſmi furorem, diaphragmatis illarum inflatione impediatur motus, & anhelituſ gravis & difficilis red-

datur, ut ægrè sua munia obeant consueta.

In abdomine quiddam ascendere, & laborantes hystericae, simul & adstantes opem ferentes affirmant, manus enim admotas strenuè attollit & diaphragma comprimit.

Uterum à motu hoc erratico supra vindicavimus; hìc ejus loco intestina, & visceraque abdominis à diaphragmate violenter depressa, substituimus, quæ motum quendam assiduum, quasi cujusdam ascendentis simulant; Qui motus quoniam à diaphragmatis motu dependet, illius actionem & motum consideremus.

Motus hic diaphragmatis licèt modo naturali & ob finem consuetum (respirationem scilicet) fiat, tamen convulsivus quodammodo est & irregularis, ut infra illustrabitur.

Actio diaphragmatis in respiratione, est partium fibrosarum contractio, quâ extrema ad centrum, & totum summè tensum deorsum feruntur, & substrata inde deprimuntur viscera. Quæ ut spacium sibi congruum obtineant, hypochondria utrinque & abdomen attollant: thoracis indè cavitas amplior redditur, distenduntur pulmones, & fit inspiratio. Laxatis autem fibris, diaphragma, visceribus & intestinis loca propria petentibus, à musculis abdominis compressis cedit: & inde rursus in thoracis cavitatem impellitur septum, viscera sequuntur, decidunt

hy-

a Motus in Hypochondriis Hystericarum causa.


hypochondria ac pulmones, & fit exspiratio.

Ad motum hunc contractionis & relaxationis fibrarum, necessitate cor ac sanguinem refrigerandi, incitatur diaphragma, quod ope spirituum animalium perficitur: qui à cerebro in fibrosam ejus texturam affluentes; & alternatim redeunt, & contractionem, & relaxationem celebrant. Dum affluunt spiritus, infarciuntur fibræ, extenduntur in latus, & fiunt breviores: Unde necessario sequitur contractio. In relaxatione omnia contrario modo accidunt. Motus hujus necessitatem urget sanguis in cordis sinubus summe incalescens, qui in pulmones continua pulsatione ejectus, & inspirato aëre refrigeratur, & ampliore conciliatâ cavitate in pulmonibus, jam à septo distentis, uberius è corde exilit. Vasa enim capacia reddita copiosius sequacem exhauriunt sanguinem, præcipue si ob calorem tenuior, aut ob passionem aliquam concitior fiat motus. Atque sic quamlibet Diaphragmatis contractionem necessitati huic obedientem, cum in abdominis cavitatem deprimatur, pulmonum distensio, vasorum sanguine & aëre repletio, & hypochondriorum elatio sequuntur; depressis enim intestinis attolluntur hypochondria & abdomen. Relaxationis verò comites sunt thoracis & pulmonum compressio, ascendente septo in pectoris cavitatem, & casus hypochondriorum; ita ut Diaphragma

fursum ac deorsum alternatim actum, Motum quendam assiduum ad extra in hypochondriis & obdomine simulare facileprehendamus.

His ita statutis, causam motûs illius in abdomine (quem uteri esse fingunt) & doloris, spasmodicam Septi contractionem sequentis, facile explorare possumus. Sanguis enim in cor, ac pulmones impetuosius præter solitum irruens, illorum vasa summe distendit; ut ad Septi relaxationem fatiscere ac desidere (uti solent) nequeant. Sed quolibet pulsu plus à cordis æltuantis sinu arripitur, magisque semper distenduntur, & tandem quasi in gulam ascenderent pulmones tumidi suffocationem minantur. Diaphragma interim (cujus actio solummodo est fibrarum contractio) calore circa cor ac pulmones (à retentione fuliginum) arcto, irritatum; nè suo deesse officio videatur, fibras suas vehementius ac creberrimè stringit, & se in abdominis cavitatem qualibet contractione altiùs deprimat; unde pulmonum vasa, amplificatis lobis, pleniori infarctu distendit. Intestina depressa abdomen & hypochondria attollunt, motumque sic ascendentis cujusdam illic æmulatur, tantòque vehementior sit ascensus, quantò violentiore contractione intestina cæteraque viscera compresserit Diaphragma, ut cuilibet, ubi libuerit, experiri licet, si in libera inspiratione manum hypochondriis imposuerit. Continua-

tas

tas has fibrarum contractiones, perpetuâ necessitate sollicitatas, quàm brevissimæ & quasi tentatæ interpellant relaxationes, quibus pulmo flatulento ac ebullienti sanguine infarctus minime cedit; atque ideò brevissima & quasi incepta solummodo exspiratio continuo interrupta, repetitâ contractione simulatur; quæ cum crebra ac parva sit, motus ille in abdomine nunc cessat parùm & quasi descendit, dum brevissima illa instituitur pulmonum laxatio; statim verò intenditur, altiusque ascendit, cum deprimitur septum magis, magisque admotum manum propellit; & hinc quodammodo mobilem tumorem illum sentiunt. Ac tandem cum ultra adigi nequeat septum, irritæque relaxationes ad sanguinis flatulenti expressionem nihil profuerint strictis fibris summe, distentum à motu plane desinit, tota aboletur respiratio, & maximè attolluntur hypochondria, tumorque ille fixus in latere manet. Donec tandem, ut à periculo maximè urgente liberetur Hysterica, facultas animalis (ut nullum immotum relinquat lapidem quo malum fuget) spiritus ejus in musculos abdominis exspirationem facientes (cum inspiratione continuatâ nondum levetur copiose effundit; qui, contractis fibris, Intestina impetuosè, etiam sursum, contrahente aphragmate, ad thoracis cavitatem comprimunt, & pulmones distentos, sanguine aëreque fuliginoso expresso, desiderare cogunt. Inde se contrahit Diaphragma,

magnaque fit inspiratio, sanguinis conflagrationem & furorem compescens, & sinus cordis rursus lacunant pulmones. Abdominis musculis alternatim constrictis, fit rursus exspiratio, pulmones suum excludunt onus, & in hypochondriis mobile illud descendere sentitur. Hinc alta illa eduntur suspiria, quibus semper terminatur paroxysmus.

Sæpe etiam excitatur sternutatio, quæ si superveniat, bonum esse denuntiât aphorismus: idque ut signum & causa, sortem enim & excitatam animalem facultatem, & Diaphragma à convulsivâ contractione liberum indicat: ut causa bonum est, quia violenta illa musculorum abdominis contractione, pulmones ab infarctu sanguineo distenti comprimuntur, & fælicior magisque ordinatus fit, illorum ac diaphragmatis motus.

Si qui viscosi humores in ore aut glandulis laryngis, motu hoc solvantur, à perpusillâ illâ exspiratione, quam supra tantum inchoatam, non perfectam esse diximus, inspumam efflati per os sæpe profluunt, ut in Epilepticis etiam solent.

Similem huic Diaphragmatis motum, & effectum non dissimilem illi consequentem, in risu profusiore & immoderato videre licet: qui aliquando tantus est, ut Syncopes & vitæ periculum sæpe inde provocentur; suffocationem, vasorum omnium in capite, ac facie, summam à sanguine repletionem, atque inde rubedinem insignem, & tandem livorem
sym-

(symptomata mali hujus parhognomica) concitat; imò ab hoc solùm inordinato, affectio hæc Hysterica excitatur. Quomodo autem tam tristis effectus à risu ortum habeat inquirendum est.

Risus à motu Diaphragmatis interciso frequenti & quasi tremulo efficitur; quo multiplex & interrupta exspiratio in vocalibus instrumentis modulata sit. *a* Damnum quod animali ab inordinato hoc affectu contingit, enascitur ex motu Septi interciso: cum nondum peractâ relaxatione, sequente alterâ fibrarum constrictione, interruptitur motus ejus alternus: adeò ut nec exspiratio perfecta, quâ fuligines effundantur, nec inspiratio proportionata, quâ sanguis è corde promatur, & ab aëre in pulmones attracto contemperetur, celebretur. Hinc sanguis nimium excandescens, frequentibus è corde pulsibus emissus, in pulmonum vasa copiosè magis effunditur, quàm ut ab interruptâ Diaphragmatis relaxatione depleri possint. Atque inde restagnans, vasibus pulmonum & cordis sinu dextro infarctis, cervicis capitis & faciei vasa æstuanti sanguine impensius distenta turgent, ruborque perpetuò, usque ad livorem auctus, diffunditur; in corde suffocantur spiritus & ob quietem incipit grumescere sanguis, atque inde Syncope; In cerebro, à vasorum nimia distensione, spirituum

B 5

tuum

a Quomodo risus hunc affectum generat.

tuum animalium impeditur effluxus ; atque sic artuum debilitas , aut motus convulsivus inducitur. In Capite & Cervice autem, quia frequentiores & majores sunt venæ quam in aliis partibus, distensio hæc facilius & gravius discernitur.

Diaphragmatis motu sic perturbato, cerebro etiam cordæque periclitante, ne totum ruat, in consensum vocantur omnes actiones : spiritus animales, ut ab inimico liberentur, impetuosè & inordinate in omnes propelluntur, ac diversos edunt effectus. In corde vehementium contractionum, pulsusque primò inordinati, tandem intermittentis, inde tremuli (donec infarctis nimium ventriculis planè cessat motus) sunt authores. In ventriculo inordinatâ fibrarum contractione vomitum causant. Oculorum glandulas & musculos stringentes, lachrymas involuntarias copiosè exprimunt. In musculos nunc hos, nunc illos profluentes, motus causant convulsivos, gesticationes miras, variasque partium distorsiones; prout hi vel illi spiritibus distenduntur muscoli. Si spiritibus vapores flatulenti etiam adjungantur, pars ita distenta diu rigida & inflexibilis, convulsa manet; donec spiritus illi flatulenti, vel externis admotis, aut calore partium naturali discutiantur, aut muscoli adversi vehementius acti, in contrarium trahunt. In intestinis humores fundunt, & in flatus attenuant, ut præsens inde sæpe augeatur malum.

lum. Rugitus hinc, ructus & murmura excitantur, flatúsque nunc sub cute repentes, animalis cujusdam gressum fingunt, nunc instar fulminis prouunt, nunc aquæ frigidioris delabentis, jam æstuantis fugam (prout eminùs aut cominùs à rarefaciente calore distant) mentiuntur ; atque hoc etiam extra paroxysmaum sæpe accidit.

C A P. IV.

De morbi causâ continente & antecedente.

CAusam itaque continentem hujus strangulationis, infarctionem sanguinis flatulenti & serosi, ebullientis in vasis pulmonum & cordis, esse statuimus. Atque hoc non solum medicorum testantur observationes, sed mali historiæ examinatæ, nullam aliam admittere causam queat hysterica hæc suffocatio. Inter observatores Medicos, Fælix Platerus obser. respirationis defectu, narrat quandam ante mensium eruptionem hystericis accessionibus & sanguinis exspuitione semper laborasse ; cui vena quotannis in manu, & sæpe in pedibus, ut copiosè afflueret, aperiebatur, & nisi hoc illi factum fuisset, sanguinem copiosè exspueret, & hysterica foret. *D. Hechsteterus* in suis obser. historias affert plures Hystericarum : quarum aliæ remoratis mensibus, aliæ fluxibus mensium

inordinatis, singulis quatuordecim diebus redeuntibus, symptomata hæc perpeffæ; solâ sanguinis missione decussatim per artus, eaque sæpius repetitâ, convulsiva (nihil cæteris proficientibus) terriculamenta profligata fuerunt. *Aretæus* coquam noctu sanam lectum ingressam, manè ore à spasmio occluso inventam, venâ in pede sectâ & anti-hysterici sanavit. Ex observatione propriâ plures cruentâ hâc vindictâ ab immani accessionum ferocitate liberatas; alias ex paroxysmi ipsius furore revocatas novimus. Unam atque alteram mensibus ritè fluentibus, sanguinis verò exspuitione, tempore intermedio, antecedentibus tristitiis, crebris anhelationibus, respirationis interceptione; & quasi syncope tentatas; repetitâ solum sanguinis è pedibus detractiione, pristinæ restituiimus sanitati.

Præterea quotquot hoc conflictatæ morbo, fato immaturo fungebantur, post mortem dissectæ, capitis, pulmonum ac cordis sinus & vasa admodum sanguine grumoso distenta magis quam par erat, aut in aliis cadaveribus soleret, hoc infarctu sanguineo suffocari spiritus atque mortem inde accire ostendunt.

Causæ antecedentes internæ *αἰσθητικὴ* quæ continentem efficiunt ac movent, sunt
10. Sanguificationis vitium, quo tenuior quàm par erat generatur sanguis. Sanguis tenuior sit, vel quia serum debito non separatur.

ratur modo, ob renum vitia, aut impeditâ perspiratione, restrictis poris, quâ semper laborant hystericæ; vel quia talis efficitur, & licet abundè serum per urinas aut sudores evacuetur, qui remanserit in venis, dilutus, tenuis & aquosus relinquitur. Hoc accidit à debilitate concoctionis, in hepate (secundum placita Authorum) in ventriculo (me judice) malè ingestos cibos comminuente. Unde partes ciborum fibrosæ & crassiores, sanguinis fibras constituentes, intactæ ventriculi laborem effugientes, in intestina seclusæ, cum excrementis, à Lacteis negliguntur. Solatenuior, spirituosâ nimium, aquosa & dilutior chyli pars arripitur; ex quâ quid nisi serosus, tenuis & dilutus fluxibilisque exoritur sanguis? A debilitate coctionis non solum tenuitatem obtinuit, sed & flatus adjunguntur, quibus laxas magis distendit partes, etiam non incitatus sanguis: cum verò à calore externo aut passionibus commovetur, fulminis instar evolat, discutit ac penetrat: Atque sic ventriculi vitio & tenuis & flatulentus efficitur sanguis, quibus auxiliaribus cum suffocationis hujus authorem esse facile concludamus.

2. Pulmonum laxitas insueta, vel naturalis, uti sæpius accidit, vel accidentaria inter procatacticarum causarum numerum recenseri debet. Cum vasorum fibræ adeò relaxantur, ut sese stringere & contrahere nequeant: unde tenuis ille & flatulentus,

sanguis in vasa flaccidiora irruens, illa non renitentibus fibris, præter modum attollit, inflat ac distendit.

Mensium etiam retentio inter procatareticas meritò enumerari poterit, præcipuè si retentioni adjungantur tenuitas illa & flatulentia, licet non corrumpatur sanguis. Quibus lunaris sistitur evacuatio, circa præcordia gravedinem, respirationem difficilem, ad motum & laborem pigritiam, lassitudines spontaneas sentiunt, affectus hujus præludia. Suffocatione verò hac convulsivâ non affliguntur, nisi tenuitas illa flatulenta, cum pulmonum flacciditate retentioni adstipuletur; multum tum paroxysmi adventum & furorem accelerat sanguinis illa accumulatio.

Animi pathemata in catalogo causarum, suaveolentia etiam externa, aliâque, de quibus infra, locum habent.

Causarum hic catalogus ut historiæ observationibus exactè respondeat, sic & damnatum uterum à reatu vindicat; ut verò dubia solvantur omnia, ulterius, an juvantia etiam & nocentia, ut in historiâ morbi referuntur, cum causis hisce conveniant, examinandum restat.

C A P. V.

De juvantibus quomodo mali causam illustrent.

Quæ in atrocissimo hoc affectu juvant, etiam sanguinem mali authorem facile suadent. Qualia sunt præcipue sanguinis missio, quæ si in brachiis administretur, minus adfert levaminis, quia sanguinem ad superiora moveri invitat magis. Maximâ autem cum utilitate in pedibus instituitur: quo enim longius à corde ac pulmonibus revocatur sanguis, motusque ejus ad inferiora flectitur, qui modo impensius sursum in viscera hæc ruebat, eo thoracis ac diaphragmatis motui sequaciores redduntur pulmones, ac cor suam liberius efficit systolen, quo sinus ejus ab infarctu illo liberentur, vasibus scilicet copia minori distentis. Nec sanguinis orgasmum solum, atque inde accessionum frequentiam & hæmoptosin iterata venæ sectio prohibet: Sed & in ipso paroxysmi vigore, cum summâ repletionem vasa laborant pulmonum, ita ut in gulam quasi ascendentes lobi, respirationem tollant; unico hoc remedio ad exteriora revocatur sanguis, vasaq; deplentur, atq; ita liberior statim fit pulmonum motus, & terminatur paroxysmus.

Ligaturæ dolorificæ extremorum, præcipue pedum ac crurum frictiones, uti & omnia revulsionum genera, per clysteres, purgandi-

gantia mitiora, cucurbitulas ac vesicatoria, tam accedentem paroxysmum, quàm crudelia ejus terriculamenta fugant, & sanguinis in pulmones impetum refrænant.

Ideo profunt ligaturæ, quod sanguis, qui per arterias in venas effunditur, ob ligaturas ad interiora recurrere nequeat, dum à fasciis constringuntur venæ, & in illis sic retardatur, ut pulmones cordisque thalami quodammodo per arterias inaniantur, placideque, fatigantibus thoracis musculis, desistant, qui modò inordinato sanguinis affluxu nimium distendebantur.

Cucurbitulæ extremis affixæ idem efficiunt; violenta enim attractione, sanguinem in minoribus & cutaneis venis retardant, ut præceptum ad interiora refringatur motus. Si verò mammis aut thoraci applicentur, respirationis difficultatem, hujus affectionis præludium, etiam insanis pariunt, quia hoc modo sanguinis motus ad pulmones centrumque acceleratur.

Quæcunque sanguinis orgasmum refrænare, illumque incrassare poterint medicamenta, plurimum juvant; ideoque largior aqua frigida haustus, dum per Oesophagum transit, ob arteriarum majorum vicinitatem, æstum sanguinis contemperat paulisper; & adventantem nonnunquam paroxysmum re-
tundit. Idem agit, vitrioli stipticitas sanguinem figendo, cohibendo, & vasorum fibras stringendo, & contrahendo, unde distensionibus
ab

ab irruente sanguine adeò obnoxia non sunt : eaque de causa specificum creditur in hac & Epilepsia medicamentum. Opiata etiam, omniaque narcotin habentia, nisi illa quæ spiritibus igneis abundant, quæ sanguinem fundunt potius & accendunt, uti vinum & aquæ fortiores spirituosæ. Quæcunque verò somnum placidè inducunt & sanguinem figunt, huic adversantur malo.

Bezoartica omnia & alexipharmaca, quibus à centro ad circumferentiam tenuiores sanguinis partes, & vapores accensi per diaphoresin educuntur, sudore erumpente plurimum juvant. Qualia sunt corallia, succinum, Margaritæ, ruta, lapis Bezoar, castoreum, &c. Quorum spiritibus alexipharmacis cordis refocillantur vires; ut copiosius sanguinem æstuantem effundat; vasorum etiam fibræ spiritibus recreantur, & stringuntur, ut fortius se contrahentes, irruentem sanguinem non tam faciliè admittant. Partes item sanguinis tenuiores, serosæ, & flatulentæ illorum calore benigno in minimas inciduntur particulas, & ad extrema fugantur, atque sic Diaphoresis promovetur, ut transpirantibus particulis tenuioribus, sanguinis inde diminuatur copia, retardetur præceps ad interiora incursus, & pulmones cæteraque vasa inde depleantur.

Fermentationi etiam humorum adversantes, illos & quietos reddunt, & ingratham in ventriculo aciditatem (quâ multum augetur

getur fermentatio in venis, flatúsque ubertim excitantur) compescere & edulcare solent. Unde sanguis minùs flatulentus, modestiùs in canalibus circulator.

Graveolentia naribus admota, vicem obtinuerunt remedii, sicuti & suaveolentia pudendis, cujus administrationis usum, non sine causa suspectum habemus. Cùm Plinii errori (nimirum uterum esse animal, quod ex propria voluntate moveri possit, ac odoribus afficiatur) patrocinari videatur: de suaveolentium naturâ, & quid boni vel mali huic affectui contribuant, infra declarabitur. Fœtida autem idèò auxilium præstant, quia sulphure narcotico, quo maximè abundant, & à quò graveolentiam acceperunt, spiritus, sanguinem & humores figunt, & furorem compescunt. Hujus classis sunt plumarum accensarum ac cornuum odor, castorei, succini & asæ fætidx halitus; tabacci fumus, &c. quæ cum maximè graveolent, copiam sulphuris narcotici, spiritus ac humores figentis, & orgasmum cohibentis, fatentur.

Abdominis utrinque compressio levamen adfert; ut uteri corpus ascendens deprimatur, asserunt mulierculæ. At cùm matricem immotam supra declaraverimus, non eo nomine expectatur auxilium. Abdominis verò compressio ideo valet, quia inde compressa valide intestina, Diaphragma sursum violenter impellunt, unde fibræ ejus à frequentibus & spasmodicis contractionibus non lacer-

cessuntur : & thoracis capacitate diminutâ, pulmones compressi sanguinem quodammo-
do quasi exspuere coguntur, fuliginesque
retenti exspirant; atque sic contemperato
sanguine, & depressis pulmonibus quiescunt
& symptomata.

C A P. VI.

*Quæ in affectu hoc nocent morbi
causam denuntiant.*

QUæ nocent & affectum hunc concitare
solent non minus sanguinem accu-
sant.

Suaveolentia vel in accessione vel extra
ferre nequeunt : imo sæpè hujusmodi solum-
modo odore malum incitatur. Moschus &
Zibetha præcipue, aliaque hujus classis ca-
put gravare dicuntur, & affectionem hyste-
ricam promovent.

De Moscho refert Sennertus oculatissi-
mus, si, accepto vulnere in thorace nullus
effluat sanguis, isque in pectore detineatur,
æger granum unum moschi detineat sub lin-
guâ, ita enim statim sanguis fluere incipiet,
quod nonnulli pro secreto habent. Genero-
sum quendam, sexagenarium & amplius, no-
vi, qui ex moschi, ambræ aut hujusmodi vel
levi odore, statim de dolore capitis insigni,
non sine narium hæmorrhagiâ leniendo, con-
queretur. Affectuum horum authores esse

se suaveolentia constat : at unde virtutes hæcce acceperint examinare non fore inutile.

Ex observationibus prædictis à sanguinis fusione fieri credimus : tenuiores enim biliosæ & igneæ suaveolentium particulæ, sanguini ac spiritibus admixtæ, ebullitionem ac fermentationem conciliantes, vasorum distensionem, atque inde gravedinem & dolorem causant, & hoc primò in cerebro percipitur, ubi odores primò apprehenduntur, unde capitis dolor primò affligit. Inde deorsum versus cor ac pulmones, sanguis, particulis hæcce inquinatus, per venas recurrens, totam contaminat massam, ubi vis illam fundit; unde circa cor ac pulmones, ubi naturaliter incalescit, odoribus hæcce fusus, conflagratio accenditur, ab æstuanti ejus furore etiam pulsus variatur, intermittit, ac cor ipsum tremit, laxæque pulmonum fibræ impensius inflatæ & distentæ copioso ac æstuanti infarciuntur sanguine, ut immobiles penè labor reddat; inde suffocatio hæc petit originem : præcipue si sanguinem sequacem, tenuem, flatulentum & copiosum invenerint hæc suaveolentes particulæ; uti in mulieribus cholericis præcipue fieri solet. In masculis autem nonnullisque sæminis, quarum pori sunt patentiores, ac diaphoresis major, nec sanguis ad liquefactionem est tam facilis; igneæ hæc particulæ facile expirant, neque tanti incendii sunt authores, neque inde tam gravia generant symptomata.

Atque

Atque hoc illorum, præcipuè Mosci & Zibethæ naturæ suadere poterint, cum ex animalium excrementis, puta sanguine bilioso putrefactis, originem petant. Moschus ex abscessu prope umbilicum animalis cujusdam profluit, referente Gesnero, veluti Mercator quidam regionibus istis, unde nobis transportatur, faciens commercia, mihi narravit, ad hunc modum efficitur.

Incolæ (dixit) regionis cujusdam in India orientali, cum animal istud (damis non ab simile) invenerint : primò canibus diu insequuntur venaticis, deinde cum persecutionem ultra ferre nequit canum, fessum & anhelans plagis abundè excipiunt, donec tota cutis sanguine grumoso, à verberibus canumque moribus maximè infletur, & intumescat; tum cum incalescit adhuc, pellem ubi vis attollunt & ligaturis strictioribus illam cum sanguine illo grumoso incluso circumligant totam in nodos, deinde statim, vivente adhuc animale, abscissis nodulis, sanguine illo plenis, pro moscho optimo reservant, qui nobis sic in bursis coriaceis, ut ab animali abscinduntur, à mercatoribus transfertur.

Zibetha est exsudatio hujusmodi humorum in capsulam quandam, prope testiculos cujusdam animalis, à natura institutam, unde eruitur ad usum.

Atque sic Moschi & Zibethæ generatio quocunque modo, sive à profluente abscessu, sive à grumoso sanguine crudelium incolarum

rum verberibus collecto, fiat ; à sanguine accenso & bilioso petunt originem. Hoc non tantum temperamenti similitudo persuaserit, cum & bilis & moschus, uterque calidis particulis abundant. Sed quia odor utrisque multum similis invenitur. Bilis si destilletur aut concoctione ulterius elaboretur, moscho æquiparatur odore, quæ odoris similitudo, naturæ etiam convenientiam ostendit. Cum itaque de naturâ bilis participant hæc sua veolentia, mirum non est, si igneæ horum particulæ (ob cognationem faciliè avidæque admixtæ) partes sanguinis jam tenues & biliosas fundant magis, & accendant ; vapores enim qui cum humano corpore similitudinem obtinent, facilius se inlinuant, spiritusque produnt.

Æstatis, Hypocausti aut balnei calore intensiori excitatur etiam malum hoc pestiferum. Cum ab æstu nimio & excandescenti, incalescit nimium sanguis attenuatus, & fluxilis ; unde spacium amplius, quo contineatur, petens, in vasa pulmonum majora ac laxa proruit : quæ cum à spongiosa carne investiantur, distensionem faciliè cedunt ; Donec pondere nimio gravati, diaphragmatis motum ulterius sequi nequeant.

Nec in minore periculo sunt, quarum pori multum frigore constipantur ; præcipue si tenuis & flatulentus sit sanguis, nam hinc, humoribus serosis magis abundans, ob vapores retentos facilius attenuatur & accenditur.

Sanguis-

Sanguinem hunc tenuem , biliosum & flatulentum attenuant etiam & accendunt violenta exercitia & motus inordinati ; ita ut sæpe affectus hujus existant authores. Nonnullas novi fæminas à motu solum violentiore sub sole, in æstate, crudeli hujus affectionis furore statim prehendi.

Quæ diu ac sæpius infantulos lactarunt, huic affectui multum obnoxia inveniuntur. Fæminam novi, quæ cum per annos pene viginti vel gravida vel nutrix vixisset, tam facilem ac violentum sanguinis fluxum crebriori lactatione versus thoracem conciliaverat, ut partus posteriores, tristitiæ, anxietates, cordis palpitationes, gravedines & lassitudo spontanea (hujus affectus prodromi) semper concomitarent. Continua enim lactatione, sanguinis motus (pæcipue si tenuis ac fluxilis nimium fuerit) versus cor ac pulmones concitator revocatur; adeo ut partes illæ non minus aliquando copioso graventur sanguine, quàm si cucurbitulæ* mammis affigantur, quarum violenti attractione, (uti supra monuimus) respirationis difficultas etiam in sanis promovetur.

C A P. VII.

Quomodo passiones affectum hunc incitent.

Quavis vehementi passione si commoveantur, recrudescebat malum ; turbato

bato inde & accenso sanguine : quod modo sequenti fieri existimamus.

Spiritus animales per externos sensus, objectorum species, tam gratos, quam ingratos animali, recipientes, communi sensui statim communicant; ubi secundum cujusvis naturam excipiuntur. Si sub specie boni, avide & comiter; si autem sub mali specie, ingratae sunt cum improbatione & quasi nausæa, ac sollicitâ totius provisione admittuntur; præcipue autem partium quas principes vocant. Inter has verò Cor præsertim respicitur quod ἡ στήλη τῆ ἐμφύτου θερμῆς, καὶ ζωῆς, focus calidi innati, ac vitæ fontem nominant ad cujus nutum ac bene esse reliquæ moventur omnes; ad cujus præservationem cæteræ conformantur partes. Sensuum organâ speculatorum officia huic præstantia, amicos ab inimicis discernunt; interim sensus, animæ facultates, satellites ac manipulares, intelligentias & defectas species probant; ac cum aliis prius admissis comparant. Qui ex continuatâ experientiâ & notionibus anticipatis in memoriâ repositis; sedulaque nuper admissarum comparatione, cum repositarum naturâ ac affectibus, de illarum conditione an gratae, vel ingratae, toti vel alicui parti sint profuturæ, dijudicant. Scientiam hanc experientiâ acquisitam fuisse animalium tabulæ rasæ (uti animam vocat *Aristoteles*) indicant. Quorum sensus communis de rerum naturis experimentaliter & scientificè judicare nequit;

quit; neque exemplaria, ex repositoriis memoriae, adhuc vacuis & quasi rasis, petere potest; atque ideo omnia tam bona, quam mala, avidè æque appetit & amplectitur, aut averfatur. Hamman non minore dilectu, quam papillam in fauces ingerit infans, & objecta amabilia non minus formidat, quam terribilia & inimica, non potens discrepantes distinguere facultates. Est enim, in tenellâ hac ætate, sensus communis ac imaginatio instar novæ alicujus advenæ in mundo, qui aut miratur objecta sibi nova, aut ab iis perterretur & perturbatur, & quò pauciora in memoriâ reponuntur experimenta, eò passionibus moveri procliviores redduntur. Atque ideo post pueros & infantes, fæminæ promptius passionibus sunt obnoxia, quia, experimentis paucioribus instructæ, rectè de naturis rerum dijudicare, vel actiones comparare nequeunt. Atque ideo facile passionibus aguntur, & ad insultus hosce, vel epilepticos, sunt proniores.

Objectorum natura, communi sensui, comparatione factâ, jam nota cuivis parti, præcipue cordi, ministris suis mediantibus (scilicet spiritibus,) quasi Accis Domino, & præfecto, certam objectorum notitiam, unicuique subsidiariis copiis transfert, & ex diverso spiritus distribuendi modo quam objectorum ipse admittit apprehensionem, cordi communicat; ipsosque in illo motus, quos passionibus vocant, excitat. Ex. gr. si objectum speciosum

C

ciosum & amœnum appareat, ayide & cum gaudio amplectitur sensus, unde statim copiam spirituum per sextum par nervorum Cordi profusus mandat, ventriculo, hepati, pulmonibus, aliisque non neglectis partibus. Quorum pleniori accessu, fibræ multum distentæ sunt, ac quælibet promovetur actio. In corde, cujus fibræ spiritibus imprægnatæ motum evidentiorē edunt, subsidiorum effectus clarius manifestatur. Quò enim plures communicantur spiritus, eò vehementius contractæ fibræ sinus ejus constringunt, inclusumque sanguinem in arterias & pulmones propellunt; qui in arterias effunditur, pulsus varietatem passionibus conformem; qui in pulmones, respirationis differentiam constituit, ut in grati & amabilis objecti receptione, larga & æqualis fiat spirituum transmissio; Cordis fibrarum magna contractio & constans, ventriculorum ejus constrictio proportionata, larga & ordinata sanguinis emissio, pulsusque magnus sequitur, tardus & ratus (cum magnitudo necessitate urgenti satisfaciat) quem Medici lætitiæ signum indicant. Effectus motum hunc cordis ac spirituum consequentes, sunt copiosa sanguinis profusio in singulas arterias, præsertim pulmonum; qui inordinatâ hac plenitudine & calore abundantiori, ad motum frequentiorē sollicitantur, unde anhelationes, & suspiria, & si sequacem invenerit sanguinem, vasaque pulmonum laxa satis ad disten-

stentionem apta, suffocatio frequenter hæc, imò mors sæpe insequitur.

Si admissæ species objectum ut malum phantasiæ ostendunt, vel ut malum irrefragabile, horrore plenum & toti perniciosum apprehendit, passionem illam quam *timorem* vocant, generat; vel ut malum cui propriis viribus, aut alienis adversari & resistere poterit, intelligit, unde affectus ille quem *iram* nominant exoritur. In timore spiritus fixi ab inopinata mali eruptione, & exitu dubio consternati, remisse & languide cordi transmissi, motum debilem & rarum excitant, adeo ut sanguis in pulmonibus & cordis sinibus restagnans, quodammodo concrevit, unde syncope, ipsaque mors non raro supervenit. Sin autem mali horror non intendatur, spiritus copiosa transmissione defectum compensantes, impetuose irruentes, sanguinem colliquant & exagitant, pulsum reddunt magnum & frequentem, & in pulmones laxos copia excandescens propellitur sanguinis, eosque ultra modum extendit ac graviores quam ut à debili adhuc diaphragmatis constrictione commoveantur; unde suffocatio hæc insequitur inevitabilis.

Si objectum ut resistibile apprehendatur, ira excitatur; phantasia omnes suas exeret vires & spiritus, subsidia copiose & frequentissime cordi transmittit; & pulsus inde magnus, celer, creber ac a vehemens

C 2

exci-

* Ira quomodo affectum hunc generat ?

excitatur. Cujus repetitis ictibus larga sanguinis portio in pulmones propellitur, qui si æquali ac proportionato diaphragmatis motu non lacunentur, si sanguis tenuis & flatulentus sit, excandescantium copia spirituum imprægnatus, instat lactis ebullientis extumescit, ac pulmones, ut antea dictum est, gravat & immobiles reddit, & insequitur paroxysmus hystericus.

Desipientiæ causam in affectu hoc ad spirituum motum inordinatum, ac perturbationem in ipso fonte, scilicet cerebro & sensuum organis referre debemus; cum enim à nimia sanguinis fermentatione volatiles nimium & excandescentes generentur spiritus, aut si à longiori pugna, fermentatione peracta, figantur nimium, aut ad alia peragenda sevocentur, magnumque in contractionibus convulsivis & gesticulationibus irregularibus illorum fiat dispendium; mirum non est si rite semper de rebus gestis non dijudicent, & omnia vel plurima circa ipsas acta ignorent. Cerebrum insuper calidiori illo incensoque distentum sanguine; & in generatione, dispositione & distributione spirituum turbatur, adeo ut spiritibus etiam accensis, delirium non raro paroxysmi hujus sit comes frequentior. Aliquando verò cum levior sit spirituum conturbatio, & facultates internæ minus commotæ fuerint, ipsis quod in paroxysmo accidit, nihil nescium erit, nullaque insequitur desipientia aut læsio memoriæ.

riæ. Sola quies cerebri sapere facit, prudentiam subministrat, & intelligentiam causas. Hip. lib. de morbo sacro.

Atque sic Hystericæ affectionis causas & effectus per historiarum observationes examinavimus. Nihilque arduum & difficile in illarum explicatione levi pede prætergressi fuimus: restat solummodo ut dubia nonnulla, quæ veritatem hujus rei aut obscuram aut ancipitem reddant, diluamus. Et primò hæc quæri poterit, Si à concitatori sanguinis motu, nimiaque effervescencia pulmones distendentis fiat hysterica hæc affectio, 1o Cur solummodo fæminis contigit? 2o Quare in omni sanguinis ebullitione & febribus, & quando pulsus omnes hæc variationes subit, non invadit? 3o Quomodo spiritus animales in cerebro & nervis repositi & conducti; in sanguinem cæterosque humores, & in ipsa corpulentiora musculorum corpora agere possint? 4o Quomodo spiritus animales in motibus hisce inordinatis & irregularibus, etiam ad certas & determinatas partes disponuntur & propelluntur?

C A P V I I I.

Cur fæminæ solum hoc crucientur malo.

MAsculis non competit hæc affectio licet symptomata hujus quamplurima

Epilepticis, convulsis, Hypochondriacis, aliisque tam masculis quam fæminis sæpe accidunt. 1º Quia major sanguinis portio, cæteris partibus, fæminis conceditur, quam maribus, uti Menstrua testantur profluvia, quorum fluxus per dies aliquot nunc diutius perpetuatur. Et in secundo septenario, id est anno decimo quarto plerumque, nunc undecimo, erumpentes, ad septimum usque septenarium durant Menses : & post quinquagesimum ut plurimum subsistunt, cum scilicet calor innatus tantam sanguinis copiam non generat. Quæ sanguinis redundantia si non rite statis temporibus per uteri vasa evacuetur, aut accidentali retractione recurat ; ad vasa majora & laxiora retrahitur, eaque distendit. Mares vero tanto solum gaudent, quantum ad partium nutritionem sufficit, atque ideo malo hoc non affliguntur. 2º Fæminarum sanguis tenuior est. Viricalidiores sunt & præ fæminis spiritibus abundant, unde plura excrementa ad cutem & extremas partes protrudunt ; quæ in fæminis in sanguine reservantur, illumque tenuiorem & dilutum efficiunt magisque fluxilem reddunt. 3º Ob imperfectiorem concoctionem magis flatulentus muliebris semper invenitur sanguis. Unde ob tenuitatem facilius incitatur, ob copiam magis gravat, & ob admixtos flatus magis distendit ac citius funditur.

4to. Mulieres pulsu debiliore fruuntur quam

quam viri; unde sanguis ad extrema diminute propellitur, ut vasa interiora, ejus redundantia distenta, præcipue in venis pulmonum majoribus & relaxatis, magis quam in Mari-
bus graventur & dyspnœam ac suffocationem cito efficiant.

5^{to} Præterea fæminea Corpora sunt (referente Hippoerate) *δυσδιαφύκτα* vix per spirabilia; molliores & laxiores sunt mulieres carne & cute. Unde ob flacciditatem & concidentiam pororum in carne, quia vasa nimis compressa sunt, haud libere perficitur in extremis sanguinis circuitus, & ob cutis permeabilitatem difficilem, partium ferofarum & flatuum impeditur transpiratio. Rarius autem magisque foraminibus pervium est corpus virorum, & inde facilius & liberalius sudat, nec non penetrabile frigus flante Aquilone minus tolerat, quam fæmineum. Quorum pori constricti vapores ac flatus retinent; unde sanguis tenuior, & ad motum proclivior efficitur: ut vel levi occasione rarefactus, majora in pulmonibus vasa adoriatur, eaque distendat; qui ob pulsus debilitatem, tam facile ad extrema propelli nequit, sed ad interiora retractus, angustiam hanc & suffocationem generat. In masculis pori patientiores sunt, fuliginesque sanguinem attenuantes & proritantes frequentiori exercitio absumentur & expirant.

Viragines etiam aliæque plurimæ, quarum vel porosa cutis facile vapores emittit, aut

benignior corporis temperatura talem non generat sanguinem, malo hoc non infestatur. Illæ verò pathemate hoc frequentius laborant; quarum temperamentum calidius sanguinem æstuantem ac tenuiorem creat, nec genitus per diaphoresin ventilatur, aut modo consueto non purgatur. His autem contigit hic affectus, quibus constans vel anticipata mensium evacuatio crudelem hunc reatum à sanguine vindicare videatur; cum vel in ipso profluvii tempore nonnunquam excruciantur. Quia à retentione fuliginum, sanguis jam tenuior, in hac commotione lunari fusus magis, & accensus, & in quamvis partem moveri inclinabilis, facile, vel à passionibus irritatus, vel accidentali pulmonum distentione allectus, recurrere & spatium amplius in pulmonibus occupare suadetur: præcipue si evacuatio consueta fusioni non proportionetur. Plures novimus fæminas, quibus ætate juvenili, diu mensium suppressione laborantibus, cum per uteri vasa postea natura evacuationem conata fuerit, quavis levi occasione, aliquando nulla evidenti causa, in ipso profluvii initio, sanguis in momento pæne ad superiora recurreret; neglectisque tramitibus ordinatis, vel pulmones & cor aut cerebrum impetuose peteret. Imò quamplurimæ perpetuis Cephalagiis dum fluant menstrua, à fusione sanguinis nimia vexantur.

Præterea cum fæminæ passionibus magis
sint

sint subjectæ, mirum non est si illorum effectibus magis obnoxia reddantur. Muliebris calor languidior & pauciores & debiliores generat spiritus, qui ut objecta male plerumque apprehendunt, sic & debilioribus argumentis phantasiæ & rationi satisfaciunt: atque ideo majus in illas dominium exercent passiones. Quomodo passiones sanguinem ac spiritus conturbent atque huic affectioni ministrent, supra ostensum est.

Sed hic quæri poterit, cur pulmones distensionem huic à sanguine fervidiore magis aliis partibus sint obnoxii?

Pulmones ideo magis copiâ hac gravantur, quia in illis ampliora sunt vasa, parenchymate dilatabili & spongioso circumducta, adeo ut facilius in eorum motu continuo distendantur; dum cætera viscera minoribus vasibus strictisque parenchymatum cancellis conclusis gaudeant.

Denique Mulieres malo huic proniores pulmonum gratia dicantur: quia in fæminis angustius pro illis in thorace à natura conceditur spatium, quam viris; quorum thorax multo amplior distentis & inflatis pulmonibus facile cedit. In fæminis verò quod sint arctioribus constricti cancellis, cum accidentali quacunque sanguinis fusione magis quam par erat extenduntur vasa; exigua pectoris cavitas pulmones inflatos ita comprimit; ut nisi septum largiori & magis frequenti inflaret motu, spacium distensionem illorum

proportionatum non inveniretur. Cum verò tenuior illarum sanguis subito rarefactus nimium pulmonum vasa infarciat, propter cavitationis angustiam relaxato diaphragmati non cedunt pulmones: quia tali temporis intervallo depleri nequeunt, ut ascendenti septo locum darent. Hinc ut fuliginum sanguinisque furentis excandescentiam tam in pulmonibus quam in corde eviter natura, Septum rursus ad sui ipsius contractionem, ut frigidum inspiret, sollicitat. Atque hinc augeatur infarctus, ac suffocatio sequitur. Quæ omnia à largiori thoracis masculi cavitate antevertuntur.

C A P. IX.

Quare in omni sanguinis fusione & febribus non invadat hystericus paroxysmus.

IN febribus non semper excitatur hic affectus (licet convulsio aliquando superveniat) quia sanguis, febrili ardore, absumptis tenuioribus ejus particulis, in-crassatur potius; ut tardiori progressu vasa permeet, non fulguris instar in partes ir-ruat.

Deinde in hoc affectu sanguinis accensio & irritatio subita est; & in laxos pulmonum lobos in instanti pene profluit, eosque cito distendit.

Materia autem febrilis accensa paulisper vitalia affligit, & sanguis in corde accensus non tantum in pulmones irruit, sed & in singulas Microcosmi regiones distribuitur, vasaque omnia æqualiter distenduntur, sanguis ille qui paulisper excandescit, celeritatem & frequentiam pulsus motui diaphragmatis respondentem excitat; ita ut pulmones frequenti pulsu exantlati & ab infarctu illo instantaneo liberati, non ultra septi regulationem adiguntur, sed ad diaphragmatis relaxationem sponte decidunt.

Convulsio autem febrium tam malignarum quam aliarum comes nonnunquam reperitur, quia à febrili calore cerebrum occupante, spiritus accensi irregulariter & inordinate musculoſo generi dispensantur. Cum scilicet vi morbi adeo perturbantur facultates animales, ut spiritus nec cohibere possint; sed furiose & subsultim effluentes, nunc hos, nunc illos contrahunt musculos, ac motus in partibus irregulares edunt. Quæ diutius rigidæ & contractæ manent, si spiritus flatulenti una cum animalibus profluunt.

C A P. X.

3^o. *Quomodo spiritus animales in cerebro & nervis repositi in sanguinem cæterosq; humores & in corpulentiora musculorum corpora agere possint.*

UT spirituum activitatem in sanguinem, cæteraque corpora cognoscamus, & sic ut tertiam diluamus objectionem, naturam illorum dignoscere ac delineare non inutile erit.

Spiritus animales (de quibus hic agimus) sunt Atomis quædam, minutissimæ sanguinis particulæ igneæ, attenuatæ, rarefactæ, calore ac fermentatione in cordis sinibus exaltatæ, & cum sanguine simul per arterias cerebro transmissæ, ubi per substantiam ejus variis Mæandris rivulisque tenuioribus discurrentes, energiâ cerebri propria eliciuntur, à sanguine separantur, & in meatibus ejus ad usum reservantur. Qui ob tenuitatem igneam vel densissimam, magisque compacta corpora penetrare, eaque attenuare, dividere, & distendere queunt; ob calorem partes dilatare & fovere possint; ob activitatem, totum in momento percurrunt microcosmum, & nisi humiditate cerebri contemperarentur, densisque firmarentur membranis, cito evolarent, aut excandescerent singulas

gulas animæ actiones perturbarent. Cum parti alicui (purissima prius cerebri substantia depurati) communicentur; in canalibus idoneis, duris, crassis, intus verò spongiosis, nervis scilicet ducuntur. Nervi hi per totam, cui distribuuntur, partem, in tenuissimas fibras & filamenta divisi & sparsi, singulis particulis illius partis spiritus porrigunt ac distribuunt, quibus copiose si impregnentur fibræ, variorum motuum, ac singularum pene actionum fiunt authores. In ventriculi fibras copiose affluentes spiritus, eas distendunt, contractiores inde efficientes, ingestos cibos primò leviter amplectuntur, postea asperius paulo comprimunt, donec tota chyli exprimatur massa. Hepati cæterisque visceribus deducti, calore suo fovent, & sensationem quandam impertiunt, unde propria alimenta distinguere sapiunt. Genitalibus sparsi, calore illic aucto, partes distenduntur; sanguinis affluxus conciliatur; quo partes magis intumescunt; spumescit sperma, & ad Venerem proritat. Cordis musculorumque fibris oblatis; quia carnosiores, laxiores, ac molliores sunt, nec obliquis (ut in membranis) texturis implicantur, motum conspectiorem edunt; cum illorum fibras implent, ad latus distendunt, & inde contractiores factæ, partem mobilem fixæ arripiunt; & motus nunc tardus, nunc citatior efficitur, prout spiritus copiose aut parcius in illas propelluntur. In sangui-

nem & humores agunt spiritus seiplos influendo, & cum spirituosis particulis uniendo illos turbant & commovent; unde extumescens sanguis aut humor, in quamcunque partem illi cedentem, ut spatium rarefactioni proportionatum obtineat, irruit. Nonnunquam spiritus partes primo calefaciunt, & relaxant, poros dilatando; unde vasa ampliora reddita facilius majorem humorum admittunt quantitatem, atque hinc caloris ac tensionis majus accedit accrementum; & pars excandescens ad continui solutionem penè intumescit; inde copiosior affluxus inflammationem accelerat.

C A P. XI.

4^o. *Quomodo spiritus hi designatas partes petunt?*

Quomodo spiritus hi designatas partes sine deviatione, aut errore petant, & hanc, non illam agitant, hic inquirendum est. In convulsivis motibus regularitas illa non semper observatur, sed promiscuè nunc hunc, nunc illum distendunt muscolum. In aliis ordinatis autem motibus, cum passionibus item subserviant, ad locos designatos, idque semper accurrunt. In ira vel pallet facies, aut intensius rubet ac intumescit; supercilia stringuntur, & contracta manus vindictam serio minatur. In

In tristitiâ facies torquetur, oculi obscurantur, fletus, gemitus & suspiria alta, ac crebra insequuntur: Lætitiæ comites sunt hilaritas, risus, oculorum vigor, ac vultus totius serenitas. Pudor erubescientiam, & oculorum dejectionem causat. Concupiscentia oculorum coruscationem & priapismum. Metûs soboles sunt pallor, fuga aut consternatio; imo in omni passione, spiritus ad eas præcipuè tendunt partes, quæ passionibus commoventur. Neque motus hi eadem in omnibus animalibus indicant pathemata. Canis quando subblanditur, caudam agit, Leo cum irascitur; complacentiam indicat felis caudæ erectione; timorem, ejusdem dejectione Canis. Effectus hi varii ac diversi, passionum comites sunt perpetuæ; quasi scientificæ, & cum studio phantasia spiritus dirigeret, non ex accidentali misfione contingeret: æque ideo directorem seu conductorem illorum in sequentibus explorare debemus.

Præclarus dominus *K. Digby* horum effectuum causas ita demonstrare conatur. Cerebrum (inquit) objectis affectum, cordi statim per nervos, spiritibus, à corde prius transmissis, plenos, illa communicat, unde spirituum circa cor fit contractio, vel dilatatio, secundum objecti naturam, & pulsus, vel augetur vel diminuitur. Hinc cerebro vicissim varia sanguinis & spirituum per arterias sequitur transmissio. Spiritus hi per
cere-

cerebri Mæandros discurrentes, humido ejus effluvio commisti & contemperati, tandem in ventriculos cerebri ex plexu choroeide exspirant; ubi gravitantes, exinde in spinalem medullam decidunt; unde in cæteros nervos, vel antecedentes prementes, vel ipsi dilabuntur, & omnium motuum ista compressione fiunt authores.

Quod ad designatas partes sine errore tendant, ex varietate semitarum, ac introitus in nervorum circulis oriri putat: unde spiritus secundum diversas qualificationes, vel admittuntur, vel repudiantur; aut quia cordis contractiones vel extumescentiæ nervos aliquos claudant, alios referent, & in spirituum admissionem electionem hanc efficiunt.

Sed pace tanti viri non sic dubia evicta prosternentur.

1º. Enim sanguis, non spiritus à sanguine separatus, à corde cerebro demandatur; materia ex qua efficiuntur à corde transfertur: ipsi spiritus in cerebro à sanguine separantur, & postea cordi per nervos communicantur.

2º. Ex plexu choroeide non exspirant spiritus in ventriculos cerebri, sed ex allecto sanguine in substantia cerebri, igniculi hi tenuiores separati in ea ad usum conservantur. Ventriculi autem nec illos retinere, nec ad nervos distribuere poterint. Cum à sinibus hisce ad palatum retròque versus cerebel-

bellum ad glandulam pinealem extrorsum pateant exitus insigniores : unde hic contineri ac conservari nequeant.

Nervorum etiam origines à cerebro productæ, seu à cerebri & cerebelli processibus unitis ducuntur omnes, non à ventriculis : atque ideo in nervos inde migrare nequeunt spiritus. Ventriculorum usum esse cerebri excreta, serosas sanguinis partes à reliquo in nutritione separatas colligere ac retinere, alibi denunciavimus.

Præterea in spiritibus tantam inveniri gravitatem qua pressionem illam, ac tam veloces, eosque diu continuatos motus efficiant, haud possibile videtur. Gravia enim in descensu æqualitatem quandam, cum in eodem versantur medio servant, neque nunc tarde, nec celeri agitantur motu ; & è contra à præcipiti, ac rapidiori cursu statim tardiori sistuntur gressu.

Spiritus motus etiam non semper deorsum fertur, ut gravitate agant, sed ad latus, aut sursum non minori velocitate advolant, quam deorsum. Citharistarum aut chelystarum digiti sursum elati, non tardiori aguntur passu, quam profugorum pedes.

Spiritus etiam eodem nervi furculo ad musculum prolati, unico illo musculo diversos excitare poterunt motus. Digiti quatuor distenduntur ab extensore musculo, ossis humeri tuberculo externo affixo, in quem unus
cus

cus tantum nervorum furculus (scilicet primus ab interno ramo quarti nervi brachio ex-
porrecti) unde spiritibus imprægnetur, im-
plantatur; ab unico etiam musculo, pari ner-
vorum numero animato flectuntur. His ta-
men musculis, digitos varie agitat cithari-
sta, primum mobilem tenet, passu tardiori
tertium, quam citissime secundum digitum
adlibitum etiam movet. Index seu primus
digitus in ira, seu comminatione porrigitur,
medius in derisione, & infamiæ nota habe-
tur.

(--Mediumque ostenderet unguem)

cæteris omnibus contractis & immotis.
Quam in digitorum motu varietatem, à
compressione spirituum ob gravitatem solam
conciliatam oriri multum dubitamus: cum
iisdem spiritus per eundem transmissi nervu-
lum ope unius etiam musculi, diversos imo
contrarios, motus edere nequeat.

Deinde in dissectionibus anatomicis nulla
in nervorum spongiosis canalibus reperitur
varietas, qualis à nobili autore excogitatur.

Neque magis probabilis erit illa nervorum
clausura, ex pulsuum varietate orta. Cum
inter nervos & arterias nulla sit communio;
longeque sæpius à se invicem progressi, neu-
tri open ferre, vel alterutrum turbare pos-
sint.

Præterea motus nonnullarum partium,
præcipuè celeritas motus, crebris experimen-
tis & longa assuetudine acquiritur; qui ab

Or-

ordinatio spirituum affluxu (multo minus à nervorum clausura) non expertis nullo modo perfici poterunt, qualis est celeritas illa in chelystatum digitis. Necnon in lusu illo puerorum, quo una manu pectus perfricare, alterâ frontem percutere conantur. Licet intensio & imaginatio valida satis, & ad motum perficiendum maximè sollicita fuerit; non assuetitamen, vel ambabus & pectus & frontem perfricant, aut ambabus percutiunt manibus, consentibus spiritibus ad eosdem in utraque manu musculos transmissis. Neque multum hic aberrare videar, si quemlibet animalis motum voluntatis dictamen insequentem experientiæ prolem appellem.

Hiscæ circumsepta difficultatibus prædicta opinio cum sit, ad ulteriorem horum motuum causæ disquisitionem facile, non meliori forsân successu, persuadebimur.

Spirituum itaque in motu directorem alium quam *animam* ipsam ex modo & mediis agendi elicere non possumus. Quæ à Philosophis *tota in toto, & tota in qualibet parte* existere dicitur. Existentiam autem & habitaculum in spiritibus stabiliri, per singulas corporum particulas dispersis judicamus. In tugurio enim materiali & corpulento, inter partes tangibiles incarcerari, minimè cum spirituali animæ essentia convenit; neque révera sine mediis, alter in alterutrum immediare agere poterit; secun-

secundum axioma illud Philosophorum. *Materiale non agit in immateriale.* Spiritus itaque qui exactissima in corde ac cerebro præparatione, ac subtiliatione omnem omiserunt tangibilitatem, media sunt idonea, quibus anima in tangibiles corporis partes operari, & corpus vicissim suas animæ communicare affectiones poterit. In quodcunque itaque corporis latibulum pervagantur spiritus, animam inseparabilem & dirigentem semper comitem obtinuerunt. Quæ nullarum partium ignara, semitarum singularum deviationibus & labyrinthis satis instructa, mirum non est, si in omnes quas vellet transires sine errore aut deviatione sequaces ducat spiritus; eosque ad libitum in furem exagitet, aut reprimat rursus & demulceat.

AFFECTIONE HYPOCHONDRIACA.

EXERCITATIO II.

CAPUT I.



Affectio Hypochondriaca cum uterina suffocationi effectus non ab-
similes sæpe producat, cum illa
non immerito cognationem ha-
buisse, antea pronuntiavimus. Imò sæpe
in mulieribus ita confunduntur symptoma-
ta, ut à peritissimis vix distingui possint me-
dicis. Cujus naturam ab intemperie calidâ
& siccâ vasorum mesenterii, hepatis, & præ-
sertimi Lienis dependere vulgò æstimatur;
atque ideo semper lien male audit, & omni-
um inde symptomatum emergentium au-
thor esse creditur. An verò tantorum reus sit
facinorum, hic, ex hiltoriâ affectionis hy-
pochondriacæ, brevi inquirere operæ preti-
um fuisse animadvertimus.

Affectio hæc ex syndrome plurium con-
cinnata symptomatum, in temperamentis
præcipuè cholericis, habitu corporis tenuio-
ri melancholico dicto, furere cernitur. In
ætate media circa annum trigesimum, us-
que

que ad vitæ nonnunquam terminum produ-
cta, plerumque invadit; pueros aut adole-
scentes rarius aut nunquam.

Mares magis ac frequentius affligit quam
feminas, in his verò magis incurabile habe-
tur malum; cui sæpissime supervenit uteri-
nus affectus, aut conjungitur; scorbutus
his sæpe jungitur, & fluor albus in fæmi-
nis.

Morbus non minus antiquis, quam neo-
tericis notus medicis: hoc sæculo frequen-
tius grassatur, adeò ut in omnium ore & scri-
ptis inveniatur, ac pto communi quadam ca-
lamitate, & seminario quodam omnium
penà morborum hebeatur. Ab Hippocrate
audrens, morbus siccatorius dicitur. A recen-
tioribus Hypochondriaca affectio, quia præ-
cipua symptomata in Hypochondriis labo-
rantes excruciant; quæ sic à scriptoribus or-
dinantur. In partibus naturalibus conspi-
ciuntur hæc.

10. Venter semper se male habet, &
multa circa eum male apparent symptoma-
ta, cibos ferre nequit, sed male coquendo,
in materiam nunc aqueam, acidam, acer-
bam, ponticam, nunc viscidam mutat.
Quæ in ventriculo relicta, nunc sursum re-
pit, & os ac linguam saliva & humiditate
aquea copiose replet, ut continuò exspue-
re cogantur ægri; sæpe etiam vomitu rejici-
tur pituita viscida, & acida. Hæc sæpe in ven-
triculo humorum præcedit ebullitio, & inde
flatuum

flatum copias excitatur, qui miro quodam boatu continuo cructantur; vicinas verò distendunt partes, scilicet Hyhochondria; ac tantam circa præcordia angustiam & anxietatem concitant, ut ægri interdum in lipothymiam incidant. Quæ non prius demulcentur symptomata, quam quod in ventriculo fluctuat, vomitu rejiciatur; quod verò tenuius & vaporosum in venis reperitur, per poros discutiatur; quod interdum cum horrore febrili accidit, quem calor, cum sudore viscido evanescens sequitur.

Dolores etiam ventriculi adsunt vehementes (qui nonnullis ad dorsum usque procedunt, ut ab ægris, imo incautis medicis sæpe pro nephriticis habeantur) qui interdum jejunos, & interdum etiam a coenâ molestant nec cessant prius, quàm cibos crudos & piritam acidam, ferventem, viscidam & sibi cohærentem, vomitu rejiciunt. Cum jejunos anxietates & dolores hi affligunt, nausæa & perpetuo vomendi desiderio torquentur miseri; nec quidquam speratur levaminis, priusquam potu vel ciborum ingestione refrænetur ebullientium humorum furor.

Alvus semper adstricta est & pigra sua deponit excrementa; unde flatu retenti abdomen & hypochondria tendunt; dolor, fluctuatio, rugitus & murmura in sinistro latere audiuntur: Fæces bubuli stercoreis non

non absimiles, plerumque nigras, terrestres, limosas & quasi argillosas reddunt, pituita viscosa & tenaci permixtas non nisi acrioris medicamenti ope facultas expultrix rejicere potest. Interdum tamen si humores aciores reddantur & exasperentur alvi, nunc biliosum humorem, nunc melancholicum admixtum habens.

Æstus in hypochondriis, & quasi inflammatorius affectus molesto ardore & fervore interno, in hypochondrio, nunc uno præsertim sinistro, nunc utroque ægros affligit. Qui se magis exserit, cum ingeltis aliquo modo agitantur humores; cum largiori potu, aut multiplici ciborum varietate infarcitur ventriculus: tunc malæ præcipue accenduntur, & tota facies rubore suffunditur, & incalcescit.

Urina nunc tenuis est, paroxysmi instantis indicium, sine sedimento & inconcocta; plerumque turbida, crassa, rubra, acris interdum fætida. Quibus urinis sæpe materia adusta, salis particeps, quam tartarum appellant, copiose excernitur; & arenularum rubrarum instar parietibus matularum adhærescit; ægrisque calculi metum adfert. Adustam hanc materiam sabulosam, ad latera matulæ hypochondriaci cujusdam, in stellarum figuras hexagonas, non sine ordine conspersas, exactissime formatam vidimus. Nigra urina plerumque morbum seu paroxysmum solvit. In vitalibus hæc cernuntur:
adeft

adeſt anxietas , cui ſæpe accedit lipothymia , cordis palpitatio , velox & inordinatus cordis & arteriarum motus ; pulſus vari , duri , nunc tardiores , nunc concitatiores , frequenter intermittentes excruciant ægros , ut jam de ſalute planè deſperare ſoleant.

Pulſatio præterea in hypochondrio ſiniſtro , præcipuè poſt motum vehementiorem aut iram , affligit.

Palatum , lingua & os exſiccantur multum , & non levis continuò excitatur ſit is.

Reſpiratio difficilis eſt , præcipue ſi inſueto modo commoveantur. Dolor & conſtrictio in pectore ſentitur , qui ſuffocationem minatur ; multumque ſollicitos reddit ægros.

In capite doloribus ita vexantur , ut cerebrum è cranio evelli conquerantur. Vertigine & mania inde ſæpiſſimè laborant. Si diuturni dolores ſint cum vertigine associati , in Epileſiam & convulſiones , vel cæcitatem , interdum in utrumque , nonnunquam in apoplexiam incidunt. Memoria aboletur , circa oculos caligo obverſatur ; aliis aurium ſit ſonitus , loquela deficit , & lingua quaſi rigere ſentitur. In nonnullis metur , triſtitia , falſa imaginatio excruciat , ut ſe ſcincinatos , aliisve afflictoſ morbis facile credunt. In membris laſſitudines ſpontaneæ , quietem affectare , & ad motum tardiores afficiunt. Dolores inſignes & vellicantes in extremis digitis , tam manum quam pedum , ac

formicationis sensus & stupor excitantur.

Vigiliæ molestæ & somnus perturbatus cum insomniis terrore plenis, præsertim post mediam noctem molestare solent : ad mediam noctem dormientes satis bene, postea vigilant. In quibusdam verò post tertiam vel quartam horam, iterum manè succedit somnus.

Post pastum facies rubore conspersa, multum accenditur, tunc universim, interdum circa genas & nasum solum coruscat rubor.

Symptomata hæc omnia non in omnibus reperire licet, sed alia id aliis, nunc pauciora, nunc plura apparent ; & licet semper hæc laborantes affectione subinde aliquid mali de quo conquerantur, habeant ; qui ea tamen graviter afficiuntur, vehementioribus interdum infestantur paroxysmis, cum symptomata, vel præcipua, increbuerunt.

Affectus difficilis est, & quo vix alius, tantâ symptomatum varietate & ægro & medico plus negotii facessit. Ab alvi tamen laxitate moderatâ, vomituque cum *dyspepsia* vel narium hæmorrhagiâ, hæmorrhoidum aperture, mensium in mulieribus profluvio, aut varicibus sæpe expectatur remedium. Sin verò contumacissime opem recuset medicam, vel in scorbutum, aut hydropem degenerat ; vel in febres, hæcticæ non ab similes incidentes, tabidi moriuntur.

Remedia quibus morbum hunc profligare co-

conantur medici, sunt venarum apertio, natura vel arte, instituta; eamque per hæmorrhoides præcipue, maximam adferre utilitatem animadvertunt: an verò ab internis vel externis, non multum interest: natura externas etiam commodè referat, per easque sanguinem serosum, & falsum sponte evacuari, ab hypochondriacis facile intelligimus, plurimumque prodest. A reliquis in brachio, vel alibi venis detrahere, ne simul adsit plethora, aut circa viscera φλόγῃσι aliqua reperiatur, nulla cogil necessitas.

Medicamenta levia vel per vomitum aut sedem subducentia semper in usu sunt: fortiora omnia vitanda sunt, ne exasperentur humores, & malum inde crudelius affligat.

Amara omnia profunt, dulcia & acida inimica; ideoque cichoreum, absinthium, centaurium minus, gentiana ex numero opem ferentium habentur.

Diuretica prodesse sperant, cum natura talem instituentem evacuationem, ut plurimum sanitas restituatur pristina. Hisce non cedenti remediis, efficacissimis istis, chalybe, acidulis & thermis occurrendum est.

Nocent omnes in diæta errores, si potu præcipue vel cibis nimia varietate peccetur, aut copia ventriculus, obruatur; præsertim si flatulenta, qualia sunt fructus horarii, acida, musta, & non defæcata

cervisia, vel fortiores nimium liquores copiose ingerantur, vigiliæ nimia, exercitia immoderata, aut vita sedentaria, animi nimia intentio, & lucubrationes præsertim à coena, animi pathemata graviora affectum hunc vel producere, vel præsertim fovere & augere solent.

C A P. I I.

De parte affecta.

Absoluta sic morbi historia in partis affectæ & causarum inquisitione laborandum est.

Antiqui medici affectam partem fuisse ventriculum (ut ex Hippocrate & Diocle patet) cogitarunt : & tali caractere descripserunt. Hip. 2. de morbis sic affectum hunc delineavit, non inediam, non cibus sumptum ferre potest, sed jejuna quidem rugitum viscera edunt, ventriculi os movetur, & alias varia vomit, bilem, salivam, pituitam, & acra post vomitionem aliquantisper melius habere videtur, ubi autem cibum sumpsit, ructus adsunt, cum rubore incenditur, se semper copiosum alvi recrementum dejecturum putat, cum vero desederit flatus infra demittitur; caput dolore vexatur, totum corpus velut aciculis pungi videtur, crura gravantur, debilitantur & minuntur, debilisque evadit.

Dio-

Dioclem (referente Galeno) ventriculum afficit cogitasse luculenter constat. Oritur, inquit, alius à ventriculo morbus qui ab aliis melancholicus, ab aliis flatuosus nominatur, quem sumpto cibo, maximè coctu difficili, sputum multum comitatur, item ructus acidissimi, flatus, æstus in hypochondriis, fluctuatio non illico, sed cum retinuerint: interdum ventriculi quoque vehementes dolores, qui nonnullis ad dorsum usque procedunt; concoctis inde cibis quiescunt, mox aliis cibis ingestis eadem revertuntur accidentia; quæ interdum à coenâ molestant, atque evomunt crudos cibos, & phlegmata subamara, calida & acida, adeo ut dentes Ampore afficiantur. Galenus Lienem accusat, quasi per idiopathiam ipse, cæteræ verb partes per consensum aliene laborarent, totaque pene medicorum cohors, quasi in verba magistri jurassent, in lienis infamiam conspirasse videntur. Atque illum chyli partem terrestrem per ramum splenicum rapere, & melancholicum succum superando reponere statuunt, unde tumidus in ventriculum, per vas breve, succum illum acidum effundit; ac singulorum fit author symptomatum in hypochondrio sinistro enascentium.

Alii in Mesenterio obstructions accusant, quasi chylus in ventriculo detentus, ob defectum suctionis venarum, incrassetur, & terrestrior fiat: ut inde sanguis generetur fæculentus, totius mali author crudelis;

unde vasa Mesenterii obstructis magis, functio tandem omnino depravatur.

Alii civitates quasdam extra ventriculum in omento & alibi effingunt; quibus sedem huic figunt imperialem: Neque mirum proinde habeatur, si in curatione tam difficilis morbi diu hæserint medici, cum de loco affecto tam male inter se convenire videantur.

D. *Hechsteternus* strenue satis lienem à reatu vindicare videtur; & ventriculum cum Diocle condemnat, cujus argumenta, non contemnenda sanè, decad. 5^o. videatis. Lienem verò sanguificationis organum à ventriculo chyli partem tenuiorem fugere, non succum acidum melancholicum in illum expuere judicat.

Actio, inquit, læsa ventriculum non lienem laborantem indicat. A ventriculo vomitiones, nausea, flatus & murmura, non à liene ortum petunt, & vere quidem læsum ventriculum ostendunt. Cui, & non impertinentur quidem, addere possumus actionem Splenis prius cognosci debuisse, quam læsam pronuntiari. Designata enim illi officia Sanguificationis, aut succi melancholici separationis, competere nequeunt. Neque aliud adhuc enumeratur officium quod in affectione hac depravari declaremus. Si itaque officia & actiones lieni à medicis assignatæ, illius non sunt (ut alibi & infra fusius docebitur) & illæso liene ventriculus in hoc malo
fem-

semper affectum sit, illum neque partem affectam, neque mali causam esse sequetur: sublata enim causa tollitur effectus.

Doloris symptomatumque maxime urgentium situs idem testabitur; quæ licet in sinistro audiantur hypochondrio, ventriculolum non excusant, licet eadem sede cum suis venis & arteriis lateat Lien; In ventriculi enim cavitate fluctuationes, murmura, & rugitus liberius commoveri possunt, quam in angustissimis lienis vasis.

Laborantium præterea digitus dolorem antrorsum magis circa ventriculi fundum, & coli intestini reflexionem, ubi versus renem sinistrum reflectitur, & liene cedens adnectitur, ubi sistuntur flatus, & murmura audiuntur) vergere docet. Splen ad posticas magis locatur partes, ubi, ut situ à dolente sejungitur parte, sic neque à longioribus emplastris pubuli splenis formam referentibus, (quasi illam obtinuerat figuram & situm) quidquam alterari judicamus; cum ventriculo magis quam lieni applicari videantur.

Deinde doloris vehementia situm inter partes sensibiles ostendit, qualis est ventriculus & colon; non in liene, qui vel nullum, vel obtusum obtinuit sensum: In liene itaque partem affectam invenire haud licet.

Mesenterii neque vasa obstructa affectum hunc Hypochondriacum constituere poterant, ideoque nec hic partem inveniri affectam pronunciamus.

Vasa Mesenterii sunt vel arteriæ & venæ, vel vasa lactea : arterias & venis solum, per Mesenterii vasa, ignotis adhuc lacteis, intellexere scriptores.

Atque hæ obstructæ sanguinem recte quidem distribuere nequeunt; sed quomodo inde mali hujus authores esse censeantur, nondum constat. Distributio impedita sanguinis, succi scilicet alimentarii; tabem forsan in partibus, quibus proferre debuerunt obstructa vasa, conciliare poterit; tanta inde symptomatum series luxuriare nequibit. Vomitus, acidus, fluctuatio, murmura, rugitus syncope, delirium sine febre, &c. à vase obstructo nequaquam petunt originem. Si hinc suctionem impediri dicant chyli à ventriculo; unde incrassari & increscere, sanguinemque talem lentum ac melancholicum confici atque inde omnium symptomatum authorem fuisse existimarunt: dicimus vasa hæc non in ventriculū sed intestina implantari: Neque (uti somniarunt) chylum eliciunt ab intestinis, sed arteriæ hisce succum adferunt alimentarem, & venæ superfluum à nutritione reducunt, & in Portam refundunt. Vasa lactea chylum separant; atque sic vasa illa mesenterica à reatu tali excusantur.

Si in lacteis obstructions accusant non meliori successu locum invenient affectum: quia denegata chyli transmissio, talem forsan rotius, non tantam symptomatum complicationem conciliaret.

Neque

Neque magis confictæ cavitates extra ventriculū in omento, aut vasibus circa lienem, hepar aut stomachum, historiæ hypothesēs solvunt; cum vitia ista quæ extra vasa consistant, ut in ea facile effundi, & proinde in corpus hinc inde diffundi non possint; ideoque tot symptomatum, quot in affectione hypochondriaca animadvertuntur, causæ esse non possunt: Imo plerumque non nisi in mortuis cognoscuntur, cum in partibus ignobilibus consistant; & observationes Medicorum docent, plurimos qui talia Mesenterii, omenti, pancreates &c. mala passi sunt, de affectione hypochondriacâ conquestos non esse: vomitiones acidæ, & ructus à materiâ, hinc in ventriculū effusâ, causari nequeant, quia ductus nulli reperiuntur in dissectione, quibus ista communicetur materia. Locus itaque in quo affectus hypochondriaci causa contineatur, talis est constituendus, è quo humores hinc inde fluere possint. Ideoque nec in hisce cavitatibus imaginariis, morbi hujus crudele hospitium est inquirendum.

Quam itaque partem, sedem morbi aliam præter ventriculū constituam? Hippocrates & Diocles ventriculi morbum denominant. Symptomata omnia à ventriculo male affecto, illæsis cæteris, oriri poterint. Præterea assignati jam loci nequaquam historiæ hypothesēs solvunt, cum ex suppositio falsoque principio stabiliantur, ex ignorantia scilicet officii lienis, ut supra ostensum est.

Quid aliud itaque agendum est, quam ut infamiam, qua lienem & Mesenterium immerito calumniati sunt Medici, in ventriculum debilem, relaxatum, & in officiis oberantem figamus? quomodo verò ibi generetur causa Mali, infra docebitur.

C A P. III.

*De Affectione Hypochondriacæ
Causis.*

CAusam hujus affectionis immediatam, esse Melancholiam, à liene in ventriculum immissa, unanimo consensu suffragantur omnes pæne Medici: per melancholiam, humorem, falsâ, acidâ & amarâ qualitate imprægnatum, qui vomitu ejicitur, intelligunt. An verò talis naturaliter in homine sano generetur, statim erit inquirendum.

Diocles licet morbi sedem in ventriculo posuerit, tamen causam esse venarum mesaraicarum obstructionem & calorem seu inflammationem pylori voluit, sunt & hodie plurimi, qui nihil nisi obstructions in singulis pæne morbis accusant.

Alii intemperiem partium naturalium, hepatis, lienis, & ventriculi damnant. Humores illos crassos, viscidos, instar glutinis qui vomitu rejiciuntur à frigidityte ventriculi generari fatentur; qui à vitioso sanguine à
liene

liene nutritus, rectè suum officium exequi nequit, ideoque tales humores & generat & accumulatur. Alii verò ventriculum caloris & siccitatis arguunt, quasi suo calore chylum incrassando, obstructionum & flatuum inde causa foret. Qui ventriculi frigiditatem accusant, in hepate & liene præsertim, vasisque, quæ ab illis ad ventriculum tendunt, intemperiem siccam & calidam esse contendunt. Atque ita *ἀνταρξία* quandam inter ventriculum frigidum & viscera calida fuisse statuunt; quam non solum difficilem reddere curam, sed & pugnantium singulorum symptomatum authorem esse cogitant.

Causam verò præcipuam, à qua causa proxima, humores scilicet vitiosi, generantur, esse lienem statuunt singuli; licet hepar quandoque non extra culpam sit, ventriculum verò etsi ad mali hujus generationem facere possit; non tamen causam proximam esse, sed remotam; quatenus chylum pravam suppeditat, quo viscera naturalia obstructa intemperie calida & sicca laborant.

Si verò Morbi symptomata, & pars affecta rectè perpendantur, causam hujus mali proximam esse ventriculum, debilem; relaxatum & male coquentem; non lienem alimentum ventriculo suggerentem vitiosum, facile erit ostendere, 1^o. Quia lien non sanguificat, nec ventriculi est promptuarium, uti alibi ostensum est, 2^o. si tale fuisset adeptus

D 6

offi-

officium, ventriculo, cæterisque partibus accusatis alimentum suppeditare nequireret, quia vasa omnia quæ cum ventriculo communionem habere videntur, venæ scilicet, presertim decantatum illud *vas breve*, non à liene ad ventriculum tendunt, sed è contra à ventriculo versus lienem spectant; uti Valvularum situs, sanguinis à ventriculo refluxum versus lienem facile admittens, non è contra, manifeste docebit. A vitioso itaque nutrimento à liene communicato ventriculi officia non deturbantur: Nec eo nomine mali hujus causa judicari debuit Lien.

Affectionis hujus neque causam habere lienem posse judicamus, si reverà. Illud alterum, quod effingitur, officium sit adeptus: nempe si ad usum stomachi, succum melancholicum à sanguine separet. Quia si talis in sano corpore naturaliter inveniatur humor: quærere tamen licet ad quem finem talis in ventriculum effunderetur succus; nihil temere evenisse putandum est. Vel in ventriculum tanquam excrementum effunditur, vel ut aliquod illi communicet bonum, vel ad propriam nutritionem; aut ad usum publicum, ad concoctionem facilitandum utile. Non ut excrementum in ventriculum deponitur: per venas fieri nequit, cum ut dictum est, valvulæ omnem à liene transmissionem denegent, neque vas aliud excretorium illi peculiare conceditur, quo in ventriculum, aut in aliam aliquam partem hoc de-

deponat excrementum ; ergo non separat melancholicum succum sub excrementi notione. Neque 2o. ut aliquod ventriculo præstet officium ; Illo non nutritur, omniaque sine illo recte sua peragit officia. Ingestos comminuit cibos, benè coquit, neque deficit appetitus. Imo è contra si casu talis in ventriculo succus hospitetur acidus, appetitus statim dejicitur, digestio depravatur, ruclus nauseant acidi, fermentatio perpetua flatus ac vapores excitat, uti infra monstrabitur. Non itaque ad usum publicum in ventriculum à liene transmittitur succus iste.

Quod ad viscerum obstructions attinet, neque hæc affectionis hypochondriacæ causas fuisse primatias judicamus. Obstructions vel in vasi, vel in parenchymatum poris fiunt, unde humores libere percurrere nequeunt; hinc si succi alimentaris impediatur distributio, contabescunt partes : si humor excrementitius in parte aliqua retineatur, intumescit, & inflammatio forsan & abscessus, aut, si frigidi fuerint humores, scirrhus, sequitur, vomitiones acidæ, eructationes, murmura, mœstitiæ, vanæ imaginationes, convulsiones, respiratio difficilis &c. raro aut nunquam inflammationis in hepate aut liene, multo minus non distributi alimenti, sunt affectus.

Qui à partium naturalium intemperie hujus mali originem quæsiuerunt; partiali duntaxat contenti, immediatam illius non

invenerunt causam; omnis enim hepatis, lienis, aut ventriculi intemperies affectionem hypochondriacam non semper progignit; Imo sæpè mali hujus originem insequitur. A viscosa, acida, ac lenta pituita obstruitur hepar, aut lien, aut pancreas; obstructionem sequitur intemperies; atque hinc forsan malum augeri posse, non illi debre originem arbitramur; Uti infra monstrabitur. Ventriculi intemperies humida, fibras ejus relaxare poterit, ut contentos cibos ritè egerere nequeat; unde acorem contrahunt: sed hæc causa est remotior, non immediatus mali progenitor. Ventriculum mali causam præcipuam esse diximus. In ventriculo autem fibrarum nimiani relaxationem & debilitatem præcipue peccare, malique causam proximam constituere existimamus. Unde ingesti cibi nec comprehendendi, nec debito calore foveri, comminui, & in intestina propelli possunt: sed partes tenuiores & spirituosæ, à debili fibrarum compressionem in intestina protrusæ, à visceribus avidissime per vasa rapiuntur lactea: neglectis aut saltem non separatis crassis, mitioribus & fibrosis particulis, nondum à ventriculo concoctis & dissolutis. Atque inde sanguis tenuior, flatulentus, ac nimium spirituosus fermentationi perpetuæ obnoxius, ob fibrarum partiumque mitium inopiam, assimilationi ineptus generatur.

Crassiores verò reliquo ciborum partes, ob
mo-

moram in ventriculo longiorem, (dum debilis fibrarum ad expressionem non sufficiat compressio) in materiam lentam acidam & viscidam, ventriculi tunicis, sibi que adherentem degenerant, quæ à calore (non satis tamè ad digestionem activo) rarefacta, in flatus, ventriculum & intestina, præsertim Colon, & inde hypochondria distendentes, abeunt. Quod in intestina viscosæ hujus ciborû partitis protruditur, illorum tunicas oblinat, ita ut irritationis biliosæ non sensibilis, facultas sopiatur expulsiua, & excrementa non dejiciat. Neque sane per intestina ob lentorem sine stimulo facile dilabi possunt, unde alvi pigrities, & excretorum viscida limositas exoritur.

Si per lactea hujus quidpiam cum chylo tenuiore arripiatur (cum in secunda confectione corrigi nequeat) in visceribus obstructionum author est. In hepate vasa obstruit *choledocha*, unde bilis à sanguine non separatus, aciditate hujus materiæ irritatus, fermentationem atque inde fervorem & tumultum in tota sanguinis massa excitat, unde tenuis admodum, flatulentus, multumque fermentatione commotus sanguis, fulguris instar, singulas percurrit partes, easque conturbat, fervorisque participes efficit. In pulmonibus bronchiæ spongiosumque parenchyma lento viscidoq; hoc infarctæ succo, difficilem reddunt respirationem. In extremis vasa capillaria illo obstructa, diaphoresin impediunt, & inde febres excitantur, lassitudines spon-

spontaneæ, & extremarum partium dolores.

Causæ remotiores sunt quæcunque fibras ventriculi flaccidas & debiles reddere solent; Eaque vel ab erroribus in diætâ petuntur, cum cibi flatulenti ventriculi tunicas perpetuo ultra naturalem extensionem distendunt, ut se rursus debito modo contrahere nequeant; sed Debiles & flaccidæ à spiritibus, vix aut ægre tenduntur fibræ; unde ventriculus vel semper fit flatibus tensus; (quod ut plurimum hypochondriacis contingere solet) vel emissis flatibus, latus propendet & sese constringere non potest.

Vel cum cibis nimium liquidis fibræ continuo imbuuntur; vigorem tunc etiam & contrahendi potentiam amittunt; unde facile à flatibus distendi, ægre autem constringi possunt. Spiritus, licet spongiosas illarum cavitates repleant & infarciant, contractiores tamen non efficiunt tunicarum fibras, quia liquidis tantummodo imbutæ, adeo relaxantur, ut ad latus facile tensioni spirituum cedentes, ista tensione non abbrevientur, & contrahantur. Partes inferiores à superiorum motu non ducuntur, quia naturalis particularum connexus in relaxatione infirmitur; quod fit vel nexum & continuationem quasi infringendo, vel quia materiâ alienâ & peregrinâ replentur pori, in quos particulæ commotæ recedere solent: tunc motæ & distentæ priores, non insequuntur posteriores, quia spatium in quod moveri debent,

bent, alieno, scilicet humiditate adventitia præ occupatur? Hinc potatores & bibaces malo hoc hypochondriaco sæpissime laborant, quorum ventriculi, bibendi frequentia, corio similes in aqua diu madefacto, sunt laxi ac flaccidi, ut cibos amplecti & constringere nequeant.

Naturalis etiam fibrarum laxitas & debilitas in ventriculo, ad hunc effectum generandum & accelerandum conducere potest. Hypochondriacorum liberis, etiam hæreditario jure malum hoc communicari cernimus.

Deinde laxas reddunt fibras ventriculi, quæcunque spiritus, vel dissipant animales, ut nimia Venus, magna sanguinis effusio, ægrotudines longiores, frequentior hypercatharsis: Aut quæ ad alias sollicitant partes, ut animi affectus, præcipue ira, curæ, moestitia, exercitatio statim à passu, vigiliæ & lucubrationes. Tunc fibræ minus quam par est tensæ, cibos ingestos ægre amplectuntur, & in intestina debito non excludunt modo: sed in ventriculi fundo, quasi in sacculo, residentes, in succum acidum viscosum & putridum commutantur; unde flatu gignuntur, dolores tensivos excitantes in hypochondriis & intestinis, præcipue colo, cujus cellulae idoneum flatibus præbent hospitium.

Spiritus dissipant etiam, ventriculum maxime debilitant, fermentationem accelerant & augent, liquores calidiores vina sæpius hausta,

sta, aquæ item spirituosæ, ut vini, cervisiæ, aut alterius cujuscvis spiritus : hinc etiam potatores malo huic sunt obnoxii.

Evacuaciones suppressæ hæmorrhoidum, vel mensium malum hoc generare poterunt, spiritus circa ventriculum suffocando, aut calorem in visceribus augendo, qui ventriculi calorem, & spiritus dissipat ; aut à viscoso chylo flatus copiose nimium excitat.

Neque hæc fibrarum laxitas in ventriculo solum cernitur, sed & intestina ejusdem debilitatis conscia, ad excludendas fæces non insurgunt, atque ideo pigra semper alvus fit hypochondriacorum ; flatibus etiam tensæ, non se stringunt fibræ, ut promoveantur, & expellantur, sed distentæ & inflatæ diu manent ; nunc universim per totum intestinorum ductum, & ut vesica suilla à pueris inflata sæpe inveniuntur & abdomen totum attollunt, nunc in particulis & gyris quibusdam stabulantur flatus, ibique ultra modum distentæ, tumores quosdam in abdomine, quos glandularum esse æstimarunt medici, excitant. Qui nunc statim evanescunt, nunc diu fatis permanentes, nonnunquam semper percipiuntur, cum fibrarum laxitas continuata in istis gyris & convolutionibus intestinorum, perpetuum flatibus concedat habitaculum qui tumorem effingunt.

Restat jam ut causas hæc assignatas per morbi historiam examinemus, an hypothes,

ses,

ses, scilicet, omnesque solvant objectiones; si non, ex sufficientium causarum numero, ut spuria & ficta, sunt rejicienda. Sed ut examen felicius procedat, de lienis usu & officio quædam, de humore etiam melancholico quædam esse perquirenda, necesse est.

C A P. IV.

De Lienis usu & officio.

Descriptionem lienis anatomicam habetis in disquisitione nostra *anatomica* talem. Figuram adipiscitur sedi suæ proportionatam, oblongiorem paulo & quasi ovalem, eâque parte, quâ tumentem admittit ventriculum, cavus quodammodo occurrit, ab extra gibbus: longitudine sex, latitudine tres digitos æquat, crassitiem duarum habet. Substantia ejus ex sanguine inter fibras, quas habet innumeras, concreto, constat. In ventriculi latus sinistrum, paulò posterius versus renem, spatium inter illum & coli reflectionem occupans, incumbit. Vasa habet, 10. Arteriam ex celiacâ insignem, per ejus substantiam variè dispersam, in plurimas ramorum soboles, inter fibrosas complicationes diffusam. Venam etiam quæ portæ propago esse videtur, & arteriam associat. In animalibus quamplurimis ad lienis portas solum pervenit, & in spongiosam lienis substantiam terminatur; quasi

quasi nihil aliud agere à natura destinata foret, quam ut sanguinem à poroso lienis parenchymate ad portas reciperet. Præter hæc propaginem nervosam à sexto nervotum pari obtinuit ac innumera fibrarum filamenta, tenuia, valida, variè inter se complicata, quasi retia multa simul implicarentur, utrinque interiori faciei adnata, ex quibus principium ducere videntur & totam pæne lienis constituunt molem, circa hæc carnosa quædam substantia leviter undique circumvoluta adhærens, lienis parenchyma constituit porosum, & quasi spongiosum; foraminula interjecta, inania sicut in pumice, quædam majora, quædam parva habet. In quibus arteriæ (cum nervi ramusculis) dispersæ sanguinem copiosè effundentes, totam lienis irrigant substantiam, & inania illa & spongiosa foraminula sanguine servidiore replent, qui à venâ rursus lacunatur, & in portam effusus hepatis mandatur. Præter hæc nulla alia vasa aut ductus novit Anatomia.

Ex hæc lienis descriptione facile erit virtutem illam sanguificam (hujus ætatis idolum insigne) inter ficta splenis officia ordinare; cum vasa nulla chylifera quibus à ventriculo, aut intestinis illi communicetur chylus, invenerit dissectio Anatomica. Si per vas illud breve venosum transferri objiciat *Hechsteterus*, quia sedationem famis inde citissimam fieri voluit *Piso*; & distributionem liqui-

liquidorum, clauso adhuc pyloro, esse credibilem ipse putavit; cum vix hausto potu è mensâ, qui eum copiosius hauserunt, surgant ac aquosam reddunt urinam. Vel quia in vivorum dissectionibus, si vasculum illud breve ligetur, versus lienem detumescere statim & vacuum esse invenias; versus ventriculum verò turgere maxime sanguine tensum. Non tamen succo chyloso hac via irrigatur lien: Quia hoc cæteraque vasa venosa à ventriculo diducta, inter ipsius tunicas dispensantur, nulla cavitatem penetrant, quibus chylum eliciant; sed è minoribus furculis in truncos majores colliguntur & acceptum ab arteriis sanguinem, non chylum, in ramum splenicum, (mirum itaque non est si à ligatura versus ventriculum turgeat) atque inde in portam transmittant, hepatis reducendum; nec quidquam illius portas lienis intravit. Neque potus, mediante liene, itinere breviori ad renes commigrare poterit, quia nullum inter renes & lienem commercium admittit dissectionio; illud quod per arterias fieri existimarunt, impossibile esse docebit circulationis sanguinis doctrina.

Per vas breve itaque chylus lieni non communicatur, neque magis lacteæ venæ huic officio ministrant, cum nullæ lieni concedantur. Neque revera illarum opus est, cum officium illud sanguificationis lieni affixum, non minus vanū & otiosum, quam impossibile

bile sit. Viscera enim inferioris ventris ab illo irrigari (uti asserunt nonnulli) nequeunt, cum nulla illis vasa à liene distributa repariantur; quibus lienaris hic dispensetur sanguis. Viscera cuncta suas habent arterias, quibus alimentum à corde, non liene suppeditatur, & quod à liene per ramum splenicum transcurrit, in portam deponitur, & ab hepate obsorbetur, uti ex circulationis doctrinâ facile patebit. Neque minus impossibile est istud cordi supplementum per arterias à liene, quibus spirituosior & perfectior illi ad spirituum generationem deducatur sanguis; alterum lienis officium. Cuivis enim, cui nota est sanguinis circulatio, ridiculum satis videbitur; ut per eadem vasa sanguis impetuose in lienem à corde propellatur, & simul per eadem etiam retrocedat & sanguinem spirituosum cordi elargiatur lien: sed de hisce plura in Disq. Anat. videatis.

Neque idoneum pro succo melancholico receptaculum haberi poterit: licet in Disq. Anatomica sententiam hanc studiosè defendere conati simus; cum nullum aliud excoGITARE potuimus officium. Sed cum difficultatibus urgeri plurimis observavimus; neque munus illud aptè lieni convenire posse invenimus, non pigebit ab erroribus recedere & mutare sententiam.

Melancholiæ hospitium conveniens non datur in liene:

10. Quia

1^o. Quia in omni excrementi separatione, natura receptaculum ac ductus ordinavit, quibus quod vitiosum est, & separari debuit, excerni poterit: ut in hepate vasa *shóledocha* & *vesicula biliaris*, bilem à sanguine separant, & in intestina excludunt. In renibus ad feri separationem inserviunt *Pelvis*, seu cavititas illa in medio renum sita, *ureteres* & *vesica*. In cerebro ventriculi sua exonerant excrementa. In liene verò neque cavitatis pro receptaculo, neque ductus aut vasa, quibus immediatè excrementum deponi potest in dissectione reperiuntur. Arteriam solum insignem unica consociatam venâ cum nervi ramusculo obtinuit. Ductus illi ab Hippocrate assignati ad officium hoc exsequendum, modo naturæ ordinatio, nequaquam ad diurnam excrementi depositionem sufficere arbitramur, quia immediatè lienem non contingunt, & quod per illos in artificialibus excretionibus deponitur, non minus totum venosum genus lacunat, quam lienem. Menstrua nonnunquam vomitu rejiciuntur, aliquando ad nares ascendunt; non itaque excretorum uteri receptaculum haberi debuit vel ventriculus aut nasus.

2^o. Si in liene generetur succus hic acidus sive melancholicus, & in ventriculum effundatur, ad appetitum acciendum, & concoctionem facilitandam; In liene effectus aciditatis sive fermentationis eminenter illustrantur; in ventriculo remissius age-

agerent. In fonte & loco generationis qualitates activitatem magis exerunt; cum verò paulisper à foco removentur, frigescit virtus & debilitatur. In liene verò non solum deest activitas aciditatis, sed qualitas illa omnimodò desideratur; talis nunquam, si comedatur, reperitur sapor: sanguis in illo ejusdem est saporis ac dulcedinis, cum eo qui in aliis corporis partibus invenitur. Stomachi vituli tunica recens adhuc, vel fumo exsiccata, à mulierculis ad lac coagulandum reservatur; illudque confessim fermentat, exagitat, caseosam colligit partem, & à sero separat. Atque hoc agit per succum acidum fermentalem, illi adhærentem & infixum, quem per menses aliquot, licet aqua sæpius fuerit lota & macerata integrum reservat & liquorem quemcunque eadem tingit facultate, & non solum in vituli stomacho facultas hæc coagulandi conspicitur; sed in singulis animalibus viget eadem & semper; licet in tenellis & lactantibus magis citiusque operetur. Lien verò effectum talem nunquam producet; Iac nequaquam illo condensabitur, nec fermentatio major quàm à cæteris visceribus in lacte reconditis excitabitur. Qui hujus rei periculum faciet, lienem succi hujus acidi seu melancholici hospitium esse non facile admittet, & proinde sedem ac reatum effectus hypochondriaci diruet, & vel talem non generari humorem, vel in liene non separari, ac in ventricu-

triculum effundi aut inspirari fatebitur.

Præterea in hujusmodi affectibus obnoxiis & post obitum exenteratis, lienem ab omni rali culpa absolverunt medici.

Officium aliud Lienis à Doctore *Glissonio* in Anatomia Hepatis ingeniosè satis protatum invenio; ubi in Liene, vehiculum succi alibilis per fibras nervosas à sanguine separari, & in nervos sibi conjunctos transferri opinatur; hinc in nervorum plexum, glandulis renalibus adsitum, traduci; ubi nervorum confluxus, eidem excipièdo par, in promptu est; & cum succo alibili à glandulis mesentericis & lumbaribus promanente mistum, tempore somni præcipuè intrò ad cerebrum & spinalem medullam simul cum eo confluere; quo potissimum tempore liquore illo nutriuntur. Excusso verò somno, cerebrum & spinalis medulla sese contrahunt ac tensiora evadunt; hinc motus succi alibilis in nervis fit refluus, ferturque pedetentim liquor ille partim ad solidas partes nutriendas, partim ad glandes emunctrices.

Quod ad usum hunc lienis ac nervorum attinet; dubia saltem proponam nonnulla, quæ ut consensum huic opinioni retardant nostrum, sic & validitatem officii impugnare & infringere videntur.

Queritur primò, quomodo vehiculum succi alibilis à sanguine separetur in animalibus, in quibus nulli reperiuntur lienis, uti

E

avibus

avibus, aut quibus eximuntur; an in illis succus alibilis nervos sine vehiculo pertransit, vel aliud ejus loco substituitur viscus?

20. Quomodo constat in liene aliquid ad nutritionem utile separari? cum, ut dictum est, nullum peculiare vas separatorium habeat; an quia nervorum insignem obtinuit propaginem? Sic & cor, muscoli & membræ; quænam autem sit in illarum partium recessibus succi cujusvis secretio nondum constat.

30. Cur diversæ partes pro succi alibilis, & vehiculi ejus præparatione constituuntur? Cum in chyli generatione ambo simul præparantur in ventriculo.

40. Annon viscus nobilius officio ignobiliiori damnatur, cum lien multò glandulas (sua conformatione) antecellat?

50. An naturæ legibus est consonum in iisdem vasibus humores fluere & refluxere posse?

In asperâ arteriâ movetur aër, qui pulmonum vim, dilatationem & compressionem facile sequitur; non liquor, qui majorem requirit impulsus. In contrariis affectibus, scilicet gaudio, mœstitia, &c. non est humorum aut spirituum motus reciprocus in eodem canale. In timore sanguis in cordis thalamos impetuosè irtuit, per venas scilicet, non per easdem in gaudio aut lætitiâ effunditur; sed per arterias effusus, ruborem in genis conciliat. Neque in scrophularum aut glandium

dium primordiis, materiam ab iisdem vasis, quibus suppeditatur, resorberi constat; per arterias enim accedit, per venas recedit.

60. Quomodo motus hic reciprocus in nervis perfici poterit? Cum liquida seipsa movere nequeant, nec in nervis virtus inveniaturs pulsifica, qua à loco ad locum prorsum scilicet & retrorsum promoveantur.

Quinque modis in vasis humores moveri vult Dr. *Glissonius*: 1. Quo uno tenore ad eandem metam propellantur; 2. est mixtus, quietis interpunctione interruptus; 3. est modus reciprocus in iisdem vasis prorsum ac retrorsum: hoc pacto aer in aspera arteria cietur; 4. est motus electivâ attractione concitatus, quo diversæ sanguinis particulae ad partes, non organica aliqua attractione, sed à similitudine familiaritate, atque affinitate corporis attrahentis cum attracto promoveantur; 5. liquores in vasis moventur irritatione, quæ sit vel plenitudine, acrimonia, vel vigoratione nervorum.

Primus movendi modus succo hinc in nervis non competit, sed sanguini in arteriis & venis; vis eadem pellere ad partem, ac ab eadem repellere nequit. Secundum huic convenire posse; scilicet succi huius in nervis quiete interruptum ait. Reciprocè etiam cedit ac recedit quoad tertium movendi modum. Sed quis motus huius author est?

In se motus principium non habent humores, sed vel impulsu ab extra aguntur; vel rarefactione, cum crassiores calore atteruantur partes, sese expandunt liquida, & locum petunt ampliorem: atque talis est sanguinis motus primum in ovo, cum primum in punctum saliens irruit in primis incubationis diebus. Quod ad electivam attractionem attinet, quo modo per illam ad partes distantiores commoveri poterit chylus, nondum constat. Similia similibus gaudere fatemur, cum associantur mutoque gaudent amplexu, sed quomodo accessus fiat non ostenditur; præcipuè cum contactum negat distantia. Diversæ partes diversas alliciunt pro nutritione particulas, sed quas arteriæ cum reliquo sanguine in illas effundunt; bilem attrahit vesicula felleis, sed quem vasa choledocha ubivis sparsa, ab hepatis parenchymate separatum exceperunt. Sanguis non huc allicitur quia biliosus; sed quia cordis impulsu per arterias impellitur, cum vero in hepatis parenchyma effusus est, contactu, non operatione aliqua electiva ad distans influente separatur, & à choledochorum ramusculis absorbetur. Præterea quod electiva attractione movetur, ad unicum, non ad diversos dirigitur terminos; aut si ab utroque alliciat, anceps vel in medio hæret, vel à fortiori attrahitur; fertum inter binos magnetes ad neutrum movere dicitur. Qui fit itaque ut succus iste qui affini-

tatis

tatis & similitudinis gratia ad cerebrum attrahitur eadem familiaritatis lege rursus ad pedis pollicem retrahatur? cur in motu impeditus, non anceps cui adhæreat, in medio hæsitat?

7°. Si succus hic alibilis excussio duntaxat somno experrectis solum ad partes extremas nutriendas recedat; quomodo infantium partes aut animalium illorum quæ per menses aliquot somno sepeliuntur, nutriuntur? an cerebrum solum alitur & augetur, cæteræque marcescunt partes? Rachitide laborarent omnes infantiuli.

8. Cur nervi lienis præ cæteris sexti paris ramusculis hoc peculiare officium obtinuerunt, nulla est in structurâ, cavitate, aut divisionis modo, differentia, quâ peculiare hoc privilegium illis ascribatur. Quodlibet organum cui actio ususve publicus ab aliis partibus diversus obvenit, structura quoque peculiari gaudet, qua actioni illi obeundo reddatur accommodum, uti ipse testatur; In his nulla structuræ à cæteris invenitur diversitas. Numerus aut magnitudo, nec diversitatem structuræ, neque aliud à cæteris, ejusdem furculi ramusculis, arguunt officium.

Usus autem harum fibrarum nervosarum dicimus esse laxum spongiosumque lienis parenchyma stabilire, ne à sanguinis, ex arteriis affluentis impetu, ruptum diffiliat, cui aliud non minus necessarium fibrarum

huic complicationi officium assignare possumus ; scil. spongiosum constringere parenchyma, ut sanguis per laxas frequentesque cavitates diffusus, in venam splenicam comprimatur, atque sic artèriarum pulsui ancillari videantur : per artèrias sanguis solum in spongiosas lienis cavitates effunditur, quæ cum ob laxam ejus consistentiam impulsui cedentem, expelli nequeat ; fibrarum ope verò constrictis cavitatibus, in venam cogitur, qui pulsu artèriæ in spatio tam amplo moveri non potest. Sanguinis illa copia (si parenchymate sine fibris constaret lien) solo artèriæ impulsu cum extra canales suos effundatur, lentè admodum in venam progrediretur : nisi fibræ hæ se constringentes, effusum citatiùs comprimerent sanguinem. Atque hinc major lieni dispensatur nervus ; quia motus hic fortior in fibris requiritur, majorque fibrarum numerus, ut constrictio generalior per singulas fiat partes. Officium hoc etiam lieni à Doctore assignatum in vitium verti posse videtis. Neque usum aliquem qui quærentium animis satisfaciat, adhuc inveniri constat.

Atque jam minus Erasistrati aliorumque insomnia mirari incipiam, qui membrum otiosum vocant, & nullius usus, cum assignata officia, rationis & dissectionis examen ferre non posse videntur. Dolendum potius humanum ingenium tanta obscuritate esse obvelatum, ut illorum etiam quæ in nobis sunt igna-

ignari, quasi tenebris semper cæcutientes pervagemur.

Repudiatis hisce lienis officiis, quid aliud substituere licebit, quod structuræ ejus & situs rationi congruere poterit?

Lienem itaque ventriculi gratia esse formatum dicimus, ut calore suo, quasi foco supposito, concoctionem promoveat; ut motu inter particulas ciborum inde aborto, facilius per fermentum stomachale partemque liquidam seu potulentam fiat salium solutio.

Concoctio in ventriculo fit (fermenti naturalis subsidio) à calore blando & moderato, & incluso cum sufficiente humiditate, cibos comminante, macerante, & dissolvente. Non illo tantum qui substantiæ ventriculi innatus est (partibus enim membraneis minor & debilior conceditur calor, quam carnosus) aut à corde indefinente fluxu illi per arterias suppeditatur immediate; sed & illo præsertim quem circumstantes partes suo fotu suggerunt. Cujusmodi sunt in dextrâ & superiore parte Jecur, plurimis vasorum alveis, sanguine copioso & ferventi turgentibus, calorem multum ventriculo communicans. In parte postica cavæ & aortæ trunci grandiores. In parte sinistrâ & circa fundum ventriculi, ubi major ingestorum moles reperitur, atque inde vegetior illic requiritur calor, quo concoctio perficiatur, adstat lien; qui calore suo,

quasi foco supposito, cibos perpetuo suo calore comminuit, macerat, ac particularum naturalem solvit compagem; eodem planè modo quo cibos in paropside, duplici supposito igne, præparare & macerare solent coqui, quo partes in cibis teneriores, magisque permeabiles redduntur, & particulæ quodammodo commoyentur ac turbantur; unde facilius fermento stomachali potulenta ingestorum pars infecta, in intimiores ciborum penetrat recessus, motumque à calore inchoatum incitat, & auget; sales dissolvendo omnes. Hinc statim ebullitio & fermentatio excitatur major, & particulæ amicam suam deferendo unionem, solutis vinculis diffuunt, totaque ruit compages, & in cremorem pultaceum (non diaphanum, nec essentialiter transmutatum, ut opinatur Van-Helmont, sed suis adhuc confusum excrementis) pro singulis totius particulis idoneum alimentum (cum à lacteis separaretur tinctura) dissolvitur. Atque sic tum perfectam fieri concoctionem in ventriculo judicamus, cum partes ita dissolvuntur, ut per partem ciborum liquidam, tinctura, & quasi extractum singulorum eliciatur, ex quo sanguis postea commodè generetur. Atque talem ad perfectam chylicationem sufficere particularum separationem, sine formali aliqua transmutatione, statuimus. Illam enim solum particularum separationem requirunt partes nutriendæ;

triendæ; si quæ formalis sit transmutatio; hanc efficiunt partes ipsæ, in suarum alimentii electione & assimilatione. Præterea in digestionem cibos ingestos suas perpetuò conservare facultates inalteratas videmus. Cibi frigidi à ventriculi fermento aliam non adepti qualitatē, totum refrigerant corpus. Ingesta laxativa non restringunt, sed sine transmutatione aliqua in ventriculo semper purgant. Si itaque virtutes & facultates essentielles integræ reservantur in digestionem, non fit formalis aliqua transmutatio. Ad particularum separationem calor inclusus in sufficienti humidi seu liquoris quantitate diffusus, sine alterius forsan additione sufficeret; sed longiori spatio, aut igne violentiore opus esset; ut in Chymicis extractionibus videre licet. Sed ut facilius & citius hoc exsequatur munus digestivum, hoc fermenti naturalis subsidium adjungitur, quo particulæ magis agitantur, ut dehiscant in minima, & pars ciborum liquida incalescens, ad sales dissolvendos, citius admittatur: facultas verò hæc fermentalis in ventriculo, non liene residet, uti infra demonstrabitur.

Caloris administrationi hoc modo quam optimè paratum esse lienem, structura docebit. Insignem enim adeptus arteriæ truncum, majorem multo quam hepar, in substantiam ejus spongiosam, copiam sanguinis ebullientis à corde, caloris fonte accipit. In-

signes etiam meatus in parenchymate spon-
gioso quibus multum sanguinis ferventis in-
cluditur. Ne statim languescat, & exstingua-
tur, repetitis arteriarum ictibus novo sangui-
ne semper renovatur calor. Atque sic igne
Vestali perpetuo fovetur stomachus, ne in
officio suo quocunque modo deficiens, in to-
tius detrimentum abeat.

Neque à corde solùm supplementum hoc
caloris, per arterias lieni communicatas, ob-
tinuit perpetuum; sed & cerebrum in fibra-
rum illas complicationes incalescentes suos
copiose emittit spiritus, qui in fibris illis in-
finitis turgentes, & ipsi calorem insignem &
satis activum addunt.

Calore tali imprægnatus lien ventriculum
tumidum sua cavitate amicè amplectitur, &
in illo contentos cibos coquit, digerit ac ma-
cerat; quo deficiente debilitatur concoctio;
eoque magis quam par est aucto, dissipatis
spiritibus diminuitur fibrarum ventriculi
constrictio & fermenti actio, atque sic etiam
læditur concoctio.

Subsidium tale à liene expeti, pennato-
rum ventriculus indicat, in quibus licet non
inveniatur lien, calor quam citissimè conco-
ctionem perficit. Illorum ventriculus, qui lie-
nis fotu non incalescit, substantia carnosae seu
parenchymate densiori vestitur, in qua calor
intensior, quam in membraneis cæterorum
stomachis, qui tunicis solum fibrosis gau-
dent, copiosius hospitatur. In cujus paren-
chyma

chyma sanguis etiam liberè effusus calorem abunde ministrat. Idemque suo fotu perficit, quod in cæteris animalibus à liene substituitur. Hinc Van-Helmont substantiam illam carnosam lienis officium præstare arbitrat, succum acidum perpetuò inspirantem, tanquam à liene, quo celerius coctio celebretur. Calor certe tam densis inclusus parietibus, multo magis intenditur, citiusque suum perficit opus. Ignem seu calorem inclusum ut nihil vaporis aut spirituum exspiraret, concoctionis opus perficere diximus, non apertum; tunc enim humiditate absumpta exsiccantur particulæ, non dissolvuntur.

Præter hoc lienis officium, alium, quem gratiâ fibrarum nervique insignioris adeptus est, usum assignare possumus. Nempe ut per nervum, mediantibus nervosis illis fibris in lienis parenchymate complicatis, sanguis à spiritibus animalibus ad nutum passionum commoveatur & agitetur. In sanguinem agere spiritus animales, rubor ille in facie verècundè erubescens; priapismus statim ad rerum Venerearum vel ad spectum vel auditum, extremarum frigiditas & sanguinis retractio in timore, abundè testantur.

Quo verò modo spiritus animales, qui vel in cerebro, vel in densis nervorum canalibus constringuntur, in sanguinem, qui distinctis etiam continetur vasis; aut quo

in loco præcipuè suum exerceant dominium, primamque figunt impressionem, nondum constat. In corde, nervorum distributiones musculosis seu carnosis illius particulis dispensantur; sanguinem in ventriculis immediate non attingunt. In hepate nervorum furculi parvi sunt, & vasorum membranis tantum distribuuntur. Lienì verò insignior nervi furculus, quam aliis visceribus conceditur; cui amplum fibrarum nervosarum rete, per totum parenchymatis tractum dispersum, adnectitur, quod parenchyma minutilum rarò investit. Imò nudæ aliquando sanguini perlabenti exponuntur fibræ; non ut liquorem aliquem ex anne illo ebibant sanguineo; sed ut hic forsan spirituum animalium iussa sentiat sanguis, ut ipse etiam animæ imperio obediens, singulos ejus observet motus.

C A P. V.

De succo Acido seu Melancholico.

DE succo Melancholico dicturus; primo de veterum opinione; deinde de esse; an scilicet talis in homine sano reperiat, hic inquirendum est. Quali charactere illum descripserint authores, primò prospiciendum est. Melancholica (inquiunt) est pars chyli terrestrior & fæculenta, à li-
ne

ne separata per ramum splenicum, unde in ventriculum, ad ciendum appetitum & concoctionem accelerandum eructatur. Hanc, faciem sanguinis appellant, & partem quartam in generatione illius constituere dicunt; ex quâ etiam quartus oritur complexionum seu temperamentorum ordo, scilicet melancholica.

• Hospitium & receptaculum hujus in liene præcedenti capite diruimus, nec non & eructationem in ventriculum, & separationem per ramum splenicum, aut vas breve, esse impossibilem antea de monstravimus. An verò ad constitutionem sanguinis sit necessaria, in illoque ut pars illius constitutiva conservetur, cum humorem excrementitium & ab illo separandum ipsi fateantur, dubitandum est; & quemquam alium in corpore obtinere usum aut locum non magis credendum esse arbitramur. Sanguis ex iis non generatur, quæ natura ab illo separanda studiose curavit: ex illis solum conflatur particulis, quibus in partium nutritione opus est; sed nulla pars bile aut melancholiâ nutritur; ergo nec ad sanguinis constitutionem necessariæ sint æstimandæ. Non ignoramus assignatam melancholiæ divisionem in excrementitiâ, & naturalem, quam sanguinis partem esse crassiorem, ex cujus abundantia & prævalentia temperamentum oriri melancholicum asserunt; cui verò, licet nomen imponatur, definitio

non convenit : dari sanguinis partem crassio-
 rem concedimus , sed vel hanc non esse me-
 lancholiam , aut male definiri illam statui-
 mus. In liene , ut ex definitione supra alla-
 ta viderem licet , hanc generari , aut in ven-
 triculum eructari ; aut illorum omnium quæ
 à melancholia fieri dicunt , esse authorem ,
 prorsus negamus. Effectus quæ in humano
 corpore melancholiæ , cum in statu naturali
 conservatur , adscribuntur , sunt vellicatio in
 ventriculi orificio appetitum excitans , & vis
 concoctionem promovendi : cum autem na-
 turæ limites excedit , Cerebri ac cordis spiri-
 tus obnubilât , tristitiam inde & effectum
 hunc hypochondriacum causat. Sed hi cras-
 siori sanguinis parti duntaxat non conveni-
 unt , sed potius acido illo & excrementitio
 humori assignandi sunt.

Excrementitiam autem melancholiam ,
 ex professo non intendere naturam judica-
 mus ; cum in sano homine nec vomitu ,
 nec successu , nec aliis excretioni dicatis
 secessibus , talis rejiciatur humor : nec in dis-
 sectione quidpiam illi reperiatur simile , un-
 de talem fingamus humorem. A liene non
 eructari aut inspirari in ventriculum ostendi-
 mus. Quod ad usum etiam & necessitatem
 attinet in sanis locum non habere existima-
 mus ; tantum enim abest , ut illi manum mi-
 nistret subsidiariam , ut appetitui potius of-
 ficere & concoctionem impedire & deprava-
 re cernamus.

1. Appetitus illo non irritatur; famelica enim illa ventriculi contractio, non à vellicatione ab acido hoc succo melancholico, secundum Neotericorum placita; neque à sensu suctionis, & attractionis venarum inanitarum oritur: uti veteres excogitarunt medici. Non à sensu suctionis venarum, quia chylus à ventriculo secedit fibrarum ejus contractione; non suctione expromitur. Deinde non vellicatione ab acido irritatur, vellicatio enim partium nervosarum ab acidis humoribus, semper dolorem & molestiam affert. Neque ab assumptis tam cito sedaretur; sed præsens semper perpetuam excitaret vellicationem inspirata aciditas, quæ continuo à liene effusa non minus in ventriculi tunicas ageret, quam in cibos assumptos; nulla intercederet quies, nec à ventriculo aut ab assumptis ob perpetuam inspirationem contemperaretur. Præterea, ut in praxi observatur, cum copiose acida hæc congeritur materia, in ventriculo, diu retardatur vellicationis illius sensus & cum ructibus acidis concomitatur etiam continua inappetentia, & à cibis gravedo molesta. Itinera, in tempestatibus nivalibus, aut mora in nive longior, appetitum egregie excitant; non autem acidum hunc augendo humorem, vel in liene aut ventriculo (tam brevi enim spatio fieri nequit nova humoris generatio) sed quia frigoris extremæ activitate, ventriculi, sicut & omnium nervosarum partium fibræ maxime constrin-

gun-

guntur ; & inde calor magis inclusus , quam citissime ingestorum solvit compagem , ac celerius fibræ , fortiori compressione suum deponunt onus. Excitatur itaque fames cum ventriculi fibræ continuatâ , post cremoris expulsionem in intestina , actione , se stringentes nimiamque contrahentes , à vehementi constrictione dolorem illum quem famem & appetitum denominant , in ventriculo concitant. Atque sic appetitum non acido hoc effici succo , aut venarum suctione , sed fibrarum nimia constrictione fieri judicamus. Hoc autem subitanæ famis sedatione , quam primum ventriculi cavitatem pene attigerunt cibi vel potus , fit manifestum ; tunc enim ventriculo rursus distento ab ingestis , relaxantur fibræ nimis modo contractæ , & laboriosa strictaque compressio , in placidam gratamque mutatur relaxationem , sedatur dolor , tolliturque fames.

2°. Concoctionem non adjuvat , quia in sanis nullum illius reperitur vestigium , in quibus tamen viriliter satis facultas hæc suum peragit officium , & sine illo fieri non dubitamus , cujus præsentiam ne ructus quidam acidus unquam confitetur. Iam argumentum illorum qui contra calorem humidum , digestionis opificem militant , retorqueamus :

Quo quæque causa potentior est in natura , eo effectum suum potentius efficit. Si ab acido hoc succo perficiatur concoctio , quo magis

magis in ventriculo abundat, eo celerior fieri debet concoctio, & majorem aciditatem continuo felicior digestio sequeretur, sed hoc falsum esse, vomitiones acidæ, quæ cum vitrioli spiritu aciditate sæpe contendunt, cum inconcoctis hesternis sæpissime cibis testantur. Præterea quæ ventriculum perpetuis cruciatibus laceffunt, ac fermentationem, æstum ac flatum generant, coctionem non adjuvant, sed aciditas illa fermentationem & ebullitionem parit molestam, atque ideo ventriculo nullo modo amica haberi potest.

Talem verò in ventriculo sæpe reperiri humorem, præcipue in hypochondriacis, satis ex ægrorum querelis constant. Hæc scribenti mihi sæmina hypochondriaca, de acidi hujus ferocitate multum conquesta, linguam, fauces, guttur ac labia, hujus per vomitum rejectione solum, excoriari ostendebat. Quomodo verò generetur hic succus acidus, aut quid sit, hic inquirendum est. De aciditatis sue aceti generatione non conveniunt authores. Alii à spirituum fugâ, alii à fixatione fieri contendunt. Sed ut perfectam generationis hujus addiscamus notitiam, Chymicorum implorandum est auxilium; quorum præparationibus, ut naturæ finem in ciborum digestionem & concoctionem in ventriculo, eundem quæ siverunt; sic & agendi methodum & media observarunt. In Chymicorum præparationibus digestionem
sem-

semper præmitti necessarium esse comper-
tum est; qua particularum compago solutâ
quælibet pars sincera & immista ab invicem
separari poterit. Solutæ particulæ ac liberæ,
altera in alterutram agens, motum quendam
confusum & quasi ebullitionem, quem fer-
mentationem nominarunt, excitant: qualem
in musto aut cervisia nova, cum à fermenti
additione totum ejus corpus commoveri, a-
gitari, & effervesce videmus, quâ major &
facilior fit particularum solutio, crassa à te-
nuibus separantur, ac latitantes omnes pro-
vocantur spiritus. Particulis sic facta fermenta-
tione liberatis, digestionem fieri perfectam
dicimus in Chymicis; ac ventriculus hac per-
fecta operatione concoctionem suam cele-
bravit, & inde levi compressione contentam
in intestina depellit materiam, ut tinctura
chylosa per vasa separetur lactea; & tunc e-
tiam in operationibus Chymicis suam in-
choat distillationem, seu tincturæ separatio-
nem Chymicus. Si verò hoc fermentationis
mementum anticipans, destillare inceperit;
paucissimos accipiet spiritus, vel tincturam
dilutam, paucissimis imprægnatam particu-
lis, obtinebit. Si verò diutius in fermentatio-
ne relinquatur materia, acescit statim, putre-
scit, mucorem contrahit, & paucissimos, e-
tiam reddit spiritus. In fermentationis anti-
cipatione inopia fit spirituum, quia nondum
peracta fermentatione, in cæteris incarcerati
particulis includuntur, nec ab illis separari
pos-

possunt. In fermentationis tempore diutius neglecto, vel à sale acido figuntur, atque sic inseparabiles relinquuntur; vel solutis vinculis effugiunt & perduntur. Atque sic aciditatem in principio putrefactionis manifestari ejusque indicium esse constat: resque sola fermentatione ad separationem satis esse liberatas, priusquam acescere incipiant, etiam manifestum est. Agitationem illam autem & effervescentiam in fermentatione à mutua salium dissolutorum inter se pugna fieri existimamus. Cum sales acidi in cæteris particulis effervescentiam & turbationem accendant, ut donec unus vel alter figatur, & mortificetur, nulla particulis reliquis concedatur quies. Si à sale acido cæteri figantur sales, & mortificentur (quod morâ longiori & temporis diuturnitate fit) in fucum acidum degenerant: Si à cæteris figatur acidus, dulcescit statim, suamque amittit aciditatem. Cum ex corallis cum succo Limonum seu oxyacanthi acido conficitur Syrupus, in primo congressu strepitus ac ebullitio cum insigni calore concitantur, quibus sedatis dulcescit succus, omnisque aufertur aciditas.

Deinde effervescentiam hanc & agitationem in fermentatione à salium diversorum (quorum unus est acidus) dissolutione fieri patet; quia in succis à quibus sal iste separatur talis non invenitur fermentatio, aut in quibus parva hujus reperitur quantitas, minor est turbatio aut tarda. In calce viva, aut suc-

succis in quibus abunde luxuriat sal iste acidus, quamprimum congregiuntur sales, strepitus & incendium statim illorum indicant pugnam.

Quod vero ex salium pugna fiat, manifestum, est quia in tempestatibus humidis, & calidis illam melius succedere; imo cervisiam, & musta tali aëris constitutione, fermentationem renovare, & turbari rursus videmus. Cum scilicet ab aëre humido sales dissolvuntur, qui priori opere soluti non fuerant ac novam inchoant fermentationem.

Quod vero putredinis indicium haberi mereatur aciditas, lactis indicat coagulatio, cum diutius in vase aliquo reservatur; cum sales sponte soluti, ab externo solum aëre commoti, totius dissolutionem inchoaverint, acescit statim, & putrefactionis indicia evidentissime inde cernuntur. Sic & liquores omnes, vegetabilium succi, carnum jura, ipsaque carnum substantia, nisi fumo & calore exsiccata fuerit, unde salium dissolutio retardatur, quamprimum putrescere inceperint, aciditatis odorem & saporem induunt. Imo vasa ipsa in quibus lac aut ejusmodi succi putrescentes conservantur, tali inficiantur sapore, & aciditate suâ adhærente lac coagulant, cæterosque liquores acore ut citius putrescant, inquinant. Præterea ut à putredine conserventur carnes, aut fractus à mulierculis sale saccharo condiuntur, quibus sal acidus figatur, & mortificetur; atque

que sic mutua pro tempore interdicitur pugna & particularum unio reservatur integra.

Hicce positis, Melancholiæ, seu acidi illius succi generationem, in ventriculo illustrare facile erit. Ventriculus sua formâ facculum repræsentat membranum, omni fibrarum genere, scilicet rectis, obliquis & transversis, quibus se undique stringat, contextum; utraque ejus orificia, & quo cibos assumpsit, & quo rursus digestos in intestina exonerat; in suprema ejus parte posita sunt; unde cibi quamprimum recipiuntur non statim suo pondere in intestina feruntur; sed illos primo levi fibrarum contractione, quasi sacculo inclusos, comprimit ventriculus, & amplectitur; & ut calore humido illius, partiumque adjacentium, comminuantur, dissolvantur, & in lævigatam materiam, disjunctis fermentatione particulis, redigantur, per pylorum teneriores partes in intestina continuatâ fibrarum contractione propellit. Si verò accidentali aliqua, vel naturali fibrarum debilitate contingat, ut totum non exprimatur, illud quod in fundo remanserit, vel parietibus adhæserit, longiori mora, & tardiori fermentatione putrescens, acescit statim, & ingesta postea omnia, imò ipsas ventriculi tunicas tali inficit sapore. Imò si multum hujus relictæ materiæ in ventriculo fuerit collectum, majorem semper acquirit acorem, imò sæpissime spiritibus pæne dixerim corrosivis prægnans, ingesta omnia

er-

fermentat, exagitat, eodem imbuit sapore & ventriculi tunicas importune laceffit. Donec tandem nausea irritatus, totum, quod longiori spatio, leviori compressione per pylorum pedetentim expressurus erat ventriculus, unica quasi convulsivâ contractione, sursum rursus per alterum orificium evomit, quod dentes sua acerbitate maximè ferit, & gulam ardore conflagranti multum affligit. Hinc aciditatem ventriculi, tantæ apud aucthores æstimationis, putredinis solum esse progeniem, & appetitum frustrare, concoctionem debilitare, ac multorum inde in hypochondriacis symptomatum, crudelem esse authorem constat; nullibi naturale ejus reperitur in sanis hospitium, aut parens.

Ventriculo virtutem seu facultatem fermentandi, quæ calori in concoctione ministrat, supra concessimus, quâ menstruum, potulenta scilicet seu liquida ciborum pars imprægnata, ingestorum sales partesque solidiores citius penetret, sequacemque ducat calorem, ac totius solvat compagem. An vero talis naturaliter sit ventriculo innata facultas, aut à succo in illo, etiam dum in utero continetur foetus, incluso; an postea à ciborum putrefactione tale obtineat inquinamentum, quod à relicta chyli portione fovetur semper & augetur; ulteriorem requirit examinationem. Vituli seu agni sugentis stomachus, aquâ licet sæpius repetitâ lavetur multum, diuque maceretur, facultatem
non

non perdidit tamen, sed lac statim cogit & coagulat. Senioris vero stomachus, qui non lacte, sed alimento nutritur alio, fœno scilicet aut gramine, non nisi spatio longiori, & majore provocatus calore lac condensat. Miasmate scilicet à lacte impresso jam, temporis diuturnitate evanescente, debilitatur illa cogendi facultas. Adeo ut si non totum facultatis à miasmate, ab ingestis jam concoctis impresso, obtinuerit ventriculus; illius augmentum inde petere verisimile judicemus. In Cœmeteriis publicis, in quibus multæ ac frequentes fiunt sepulturæ, præcipue; si madore multo irrigentur, corpora citius putrescunt humata, quam in aliis locis. In cœmeterio S. *Innocentii Parisiis*, horis viginti quatuor sepulta putrescere aiunt, vivaq; adhuc; animæq; aliquid retinentia membra, quasi dilaniat penitusque dissolvit edax illud terræ fermentum. Putrida etiam poma proximis citissime adducunt putredinem. Ciborum etiam portionem jam concoctam, aliorum concoctionem multum accelerare opinatur Verulamius. Quia hujusmodi inquinamenti imprægnata humiditas, ob familiaritatem citius & magis amice in penitiores ingestorum recessus admittitur, unde facilior fit partium solutio, & digestio seu corruptio acceleratur.

A concoctis seu putrescentibus cibis, non solum miasma hoc, seu fermentandi virtus ventriculi tunicis imprimitur, sed diversorum

rum

rum etiam ciborum averſationem & odium inſigi veriſimile eſt, cum prius in ſtomacho putreſcentes naſeam inferrebant, tale in poſterum tunicis durabile inſigunt inquinamentum; ut perpetuum illorum concilietur odium, ac hoſtili ſemper naſea tales reſpuant cibos, donec longiori temporis intervallo, miasma illud peregrinum exterminetur.

C. A. P. VI.

Hiſtoriæ cum cauſis examinatio.

UT cauſas assignatas ſufficientes, & vere hujus affectionis eſſe cauſas illuſtrems, illarum cum diagnosticis in morbi Hiſtoria poſitis convenientiam examinemus.

1. Ventrículum Hypochondriacorum laborare ſemper nec cibos ferre, ſed in materiam viſcidam & acidam commutare conſtat.

Neque mirum ſane, cum in ipſo lateat mali fomes & origo. Relaxatæ enim ventriculi fibræ admiſſos cibos non amplectuntur, neque comminutos in inteſtina propellunt; ſed in fundo ventriculi, quaſi in ſacculo, diutius commorantes putreſcunt, & in humorem acidum ac viſcidum degenerant, unde perpetua fermentatione non ſolum ingeſta eadem inſiciantur tinctura, ſed & ipſæ ventriculi

culi tunicæ, contagio acido imprægnatæ, cibos & potus quoscunque eodem semper tingunt inquinamento. Hinc non solum chylus generatur vitiosus, sed & ventriculum ac hypochondria cum dolore insigni tendentes semper excitantur flatus, qui à succo illo acido erumpentes acrimoniæ participes, nervosum ventriculi orificium vellicantes, dolorem exasperant, cardialgiam & syncopen quandoque efficiunt. Perpetua vero ciborum agitatio oritur, fermentatio & quasi ebullitio; unde tenuiores illorum sublimatæ particulæ, os ac linguam saliva & humiditate aquea replent; atque inde frequens sputatio principii hujus affectus comes reperitur inseparabilis. Cum vero Intemperies in ventriculo adolevit, vigetque aciditas, tunicæ exsiccantur nervosæ, & molesta inde excitatur, potulentis non extinguenda, litis. Furiosa hæc in ventriculo humorum commotio demulceri nequit, priusquam viscidus ille ac acidus ciborum cremor vomitu rejicitur; unde furor paulo lenitur symptomatum, qui à ciborum ingestione statim recrudescit. Neque aliquando melior successus fortunat jejunos; quorum ventriculis viscida illa ac limosa adhærens materia, vellicationis ac tensionis author perpetuus evadit, neque quietem, vel minimam sperat doloris intermissionem hypochondriacus, priusquam potulentis serina illa lenitur acerbitas. Ventriculum ita & vacuum, & cibus refertum

F

semper

semper laborare visum est, à dolore scilicet extensivo, à flatibus nimium tunicas ejus tendentibus; cum maxima ciborum pars fracescit, & fermentationis vi facessit in flatus; vel cum aciditatis acrimonia tunicæ adeo vellicantur nervosæ, ut nausea & continuo vomendi urgeantur desiderio; nisi potulenta aliqua ingesta materia diluatur & contemperetur succus iste acidus.

Hæc ciborum subita in flatus resolutio, dolores in dorso sæpe procreavit, & calculi terriculamenta simulavit; imo ab incautis pro nephritico sæpe curatur medicis, dum distenta flatibus intestina, ligamenta, quibus dorso affixa propendent, magis quam par est extendunt, & doloribus tenivis in dorso excruciant ægros.

Temperamenta cholericæ & habitus corporis tenuior furori hujus mali potissime subjiciuntur, quia à caloris augmento dissipantur magis spiritus, & fibræ laxiores & magis flaccidæ redduntur; adeo ut assumpti cibi in ventriculo rite comprimi, & dissoluti sæliciter expelli nequeant, sed in acidam, viscosam & acerbam degenerent materiam; Quam calor viscerum, hepatis scilicet ac lienis; magis quam par erat exagitans, in flatus abunde resolvit, atque hinc affectioni huic magis obnoxii inveniuntur cholericæ, quorum viscera intemperie laborant calidiori; viri etiam & ætas media, quorum calor naturalem & proportionatam humidi commissionem superaverit,

verit, hoc magis infestantur malo, quam foeminæ aut adolescentes; Hinc habitus corporis extenuatur semper, neque pinguescunt, dum malo laborant hypochondriaco.

Alvus semper adstricta est; pigre sua deponit excrementa. Cum ventriculus tarde suum exsequitur officium, venter difficulter suum solvit tributum. Male concoctus ciborum cremor fit viscidus, & intestinis tenuiori per lacteas privatus succo, multo tenacius illorum parietibus adhæret, & difficilem reddit excretionem. A limosis etiam primæ concoctionis succis obstructa in hepate vasa cholechocha, expultricis denegant stimulum, adeo ut bilis acrimoniâ ad evacuationem non sollicitentur intestina, sed calore exsiccata, in scybala formetur excrementa, & raro excernantur. Flatus interim retenti abdomen & hypochondria tendunt; atque hinc rugitus & murmura in coli cellulis inflatis, ad latus sinistrum præcipue, audiuntur. Quæ non sola excruciant ægros, sed fluctuatio à liquidis ventriculi fundo contentis, anxietate & querelis sollicitat.

Quandoque à ventriculi & intestinorum lubricitate, acidus ciborum cremor viscidus ac sæculentus lactearum ora præterlabens gracilia, liquidiores alvi fæces, sed ob visciditatem limosas, terrestres, bubulo stercore similes, reddit, plerumque nigras. Hæc alvi lubricitas non accedit solum, quia ora

lactearum vix meabilia reperiuntur, dum à copia viscidæ hujus materiæ, tota intestinorum oblinitur cavitas, ut in membraneam nonnunquam incrassetur duritiem, quæ lactearum ora protinus occludit; Sed quia acriores à succis redduntur acidis, nimium expulsiuam sollicitant facultatem, ut nondum chylo privatae liquidiores egerantur fæces, ac plerumque nigræ. Vitriolata enim illarum aciditas cum bilioso sale conjuncta, nigredinem statim concipit, ut in omni salium cum vitriolo commistione videre licet. Si diu obstructa fuere vasa choledocha, jamque repleta copiose vesiculæ biliaris deposuere recrementum; humores acres & exasperati, alvi fluxum sæpe excitant valde molestum; tunc biliosum, cum excrementa flavo vel viridi tinguntur colore, à copia bilis effusæ; si verò copia acidæ à ventriculo effluentis succi biliosas figat sales, nigras reddit fæces, quas melancholicas nominarunt dejectiones, quia nigro inficiuntur colore.

Æstus in hypochondriis, molesto ardore, nunc in dextro, plerumque autem in sinistro, nunc utroque latere misellos excruciat, qui ab ingestis non exstinguitur, sed fermentatione perpetua magis excanescit. Acidus enim ille ac fervidus à putrefactione in ventriculo humor, quo majorem concitat fermentationem ac motum, eo & majus parit incendium: à motu enim nascitur calor. Porro in aciditate calor latet fortis, uti vis illius caustica

ca abunde testatur, non minore ardore aut vehementia pungit acidus succus, quam liquor fervidus; vitrioli oleum caloris æque ac aciditatis effectus commonstrat: acidisque vomitationibus non minus calore excandescit guttur, quam aciditate exasperatur. Imo sæpe tanta est hujus succi acrimonia, ut diuturniori per vomitum ejectione, in morbo hoc excoriatum noverim œsophagum, & laryngem contactu solum adeo exasperatum & exliccatum, ut vocem raucam & insonoram redderet; imo gramen & plantas acido hoc per vomitum rejecto conspersas succo, exarescere vidimus, adeo ut vitrioli oleo aciditate & vi caustica contendere videatur. Mirum itaque non habeatur si æstum generet in ventriculo; & cum à flatibus in utrumque extendatur latus, in hypochondriis etiam utrisque æstuantis hujus humoris furorem hospitare sentiat æger.

Neque in ventriculo solum furentis hujus succi malitia reperitur, sed cum chylo distributus efficit, ut ejus fermentatione tota ferveſcat ſanguinis maſſa, in qua ſalium diverſorum pugna, in toto venoſo genere tumultuoſam concitant ebullitionem, quæ nunc in hepatis, nunc lienis vaſis inchoata, æſtum & ardorem nunc in dextro, nunc in ſiniſtro latere procurat.

Urina nunc tenuis (paroxyfmi instantis
F₃ semper

semper indicium) sine, vel cum admodum parvo sedimento, & inconcocta est; plerumque turbidæ, crassa, rubra, acris ac fætida, cum sedimento rubro, sabuloso, arenularum instar, matularum parietibus adhærente, cernitur.

Urina ex potulenta & aquosa ciborum parte constituitur, quæ prout majore vel minore salis ciborum copia imprægnatur, & quo longiori vel breviori spatio à calore viscerum vel debiliori, vel forti coquitur, coloris etiam diversitatem obtinet. Lixivio solum quævis sale imprægnato, coctione duntaxat diuturniori, vel breviori, omnes urinarum colores simulavimus. Aqua multa cum sale paucò admixta & parum coctò, lixivium pallidum, tenue & aquosum reddidit. Si vero diutius cum majore salis copia coquatur, saturatum magis statim induit colorem, vel flavum, subrusum, rubrum & fuscum.

Inconcoctis ita ciborum particulis à debili & relaxato stomacho, pars potulenta citissime dilabitur, tenui solummodo infestâ tinctura; sales in ventriculo non separati, dum chylus efficitur, in corde & venis cum fit sanguis, serum non tingunt: primæ coctionis errores non corrigit natura in secunda; adeo ut si nulla fuerit particularum in ventriculo solutio, cibus adhuc non digestis, & indissolutis, in venoso genere nulla sequatur separatio & tinctura. Atque sic potulenta ciborum pars intincta pæne, paucisque salium

salium imprægnata particulis ad renes ruit, & urinam teneum ac pallidam efficit sine sedimento.

Urinæ sedimentum est excrementum concoctionis in corde & toto venoso genere, qua deficiente mirum non est, si & illo destituatur urina. Hæc urinæ tenuitas instantis paroxysmi est indicium. Quia urinæ tenuitas concoctionis debilitatem arguit; unde cibus in ventriculo non concoctis, flatus copiose excitantur, qui symptomatum plurimum authores sunt; Et non cocta in acorem degenerant ingesta, quorum fermentatione furenti repente omnia exasperantur symptomata, & fit paroxysmus.

Plerumque verò crassa, turbida, ac rubra cum sedimento rubro & sabuloso hypochondriacorum fit urina. Cum scilicet obstructa in hepate vasa choledocha, excrementum non deponunt per intestina biliosum; sed cum sero per renes excernitur; tunc crassa fit urina, turbida fætida & acris cum sedimento rubro ac crasso, nitente, arenularum instar, parietibus matularum adhærente: crassiores bilis particulæ instar lapidis sæpe in ipso hepatis concrescunt parenchymate, multoque sale abundant quæ non solum urinas saturo tingunt colore, sed & sedimentum crassum, sabulosum ac splendens sæpè reddunt. Si verò acidus ille succus copiose à ventriculo venis communicetur, in toto venoso genere sanguinis ac humorum

magna fit commotio , & si à sale acido figantur reliqui sales, fit urina nigra , quæ copiosè reddita, materiam peccantem secum ducit & paroxysmum solvit.

Anxietas , cordis palpitatio , pulsus inordinatus intermittens , & sæpe lipothymia , inter signa enumerantur pathognomica. Symptomata hæc cum hystericis communia habent hypochondriaci ; & à sanguine tenui ac flatulento originem petunt ; sanguis hypochondriacorum tenuis à chyloliquoso , indigesto , particulis fibrosis in ventriculo non separatis , generatur ; diluta & tenuis ciborum tinctura tenuem & pallidum constituit sanguinem. Hic subito nonnunquam à succo exagitatus acido , ac fermentatione commotus , fervidus ac flatulentus cum impetu , majori sæpius quam debuit , in cordis thalamos irruit ; unde motus concitator , frequentior ac rapidus subito conciliatur , quo sinus suos ab æstuantiliberet inimico ; quo detumescente , ordinate rursus cor suas perficit contractiones : atque hunc motum inordinatum palpitationem vocant : cum scilicet ab æstuantisanguine subito & confertim in cordis ventriculos conflente , facultas expulsiua validis ac crebris contractionibus ad expellendum onus illud peregrinum & molestum instigatur. Atque hoc fit æqualibus nonnunquam motibus sed violentioribus quam par erat.

Aliquando inæqualibus, cum impeditos aliquos pulsus necessitate magis urgente, unico sequente majore refarciat. Aliquando cordis ventriculi adeo sanguine hoc tenui ac flatulento, confertim irruente infarciuntur, ut distenti aliquantisper à flatibus, subito rarefactis, sine motu retineantur; pulsusque plane intermittit. Deestque una, vel duæ, vel tres pulsationes; verum postea cor rursus discussis flatibus motum aggreditur. Si verò diutius continuatur hæc ventriculorum inflatio, in motu plane deficit cor; sequiturque, reliquis partibus denegato sanguine vitali, lipothymia: Anxietas & gravitas circa cor semper contristant ægros, dum scilicet sanguinis tenuioris fermentatione à succis fracidis, subitaque rarefactione, cordis sinus, flaccidique pulmonum lobi, majori quam par erat copia infarciuntur: adeo ut motu libero, ac facili, cor suos thalamos ventilare nequeat.

Eodem modo distenta pulmonum vasa respirationem reddunt difficilem; præcipuè si motu violentiori subito rarefiat sanguis, jam à tenuitate & perpetua fermentatione satis mobilis: hinc pectoris sentiunt constrictionem graviterque respirant.

Hæc flatulenti & tenuioris sanguinis excitatio rapidusque motus ac fervor capitis concitant dolores; mania sæpe, vertigines, epilepsia & apoplexia nonnunquam authores. Cum enim tenuis nimiumque rarefactus

Hæc sanguinis tenuioris fermentatio vigiliis etiam somnumque perturbatum, præcipuè post mediam noctem efficit. Ad meridiem nocturnum bene dormientes, postea insomniis terrore plenis, & vigiliis molestantur; præsertim si cœna largiori, vel sero ingesta ventriculus gravetur, ac tarde sumum perfecerit officium. Tunc chylus aciditate majore infectus, cum media nocte, distributionis scilicet tempore, reliquo admiscetur sanguini, nova in venis inchoatur fermentatio & agitatio. Spiritus animales fervore sanguinis concitantur, benignique vapores, qui spiritus quodammodo figentes, à motu ad quietem invitant; turbulenta illa fermentatione dissipantur, spiritusque rursus diffluunt, & ægri è somno excitantur. In quibusdam verò cum peracta hac fermentatione spirituum sistatur furor, placidè rursus post tertiam vel quartam horam manè succedit somnus.

Pulsatio in Hypochondrio sinistro, præcipuè si motu vehementiori aut ira commoveatur æger, magna sentitur. Atque hoc fit à motu arteriæ magnæ ac furculorum cœliacæ sub colo & ventriculo flatibus maxime distentis, recumbentium, cum ventriculi, ac coli inflati latus inferius pulsaverint; in superius etiam flatuum constrictorum motu continuatur pulsus, & extrema admotamque manum ferit. Arteriæ primo tunicas inferiores seu posticas, illis sc. proximas;

flatibus tensas pulsant ; hinc inclusus agitur flatus, qui latus oppositum movet, quo commoto, moventur etiam extrema ; illisque superpositam manum, veluti in tympano bellico, percusso capite, moventur statim chordæ inflatæ opposito.

Post pastum facies rubore conspersa multum accenditur ; quod non tantum à nova sanguinis fermentatione & agitatione accidit, quæ causarum prioritatem obtinuit, unde majorem obtinuit fervorem, ac tenuitatem, magisque vasa distendit : sed quia ventriculus jam flatibusensus, majori nunc ingestorum copia infarctus, Aortam adeo comprimit, ut à corde deorsum sanguinis impediatur motus circularis, & à cordis propulsus ventriculis, sursum potius in capitis & pulmonum vasa propellitur ; unde difficilior etiam post pastum redditur respiratio, gravatur caput, venæque capillares in facie, tenpi frequentique infarctæ sanguine & incendium & ruborem faciunt ; A difficili etiam respiratione augetur rubor, cum vel pulmonibus otiosis aut nimium infarctis ; à Jugularibus venis recurrens non admittitur sanguis ; ut in suffocatis & asthmaticis videre licet ; quorum pulmones ægrè moventes, à faciei & capitis venis majoribus & capillaribus nimium infarctis, sanguinem relabentem non admittunt, sed faciem rubicundam aut lividam semper relinquunt.

CAP.

C A P. VII.

*Dejuvantibus in Hypochondriacis
affectibus.*

Remedia quibus malum hoc profligare conantur medici, non minus causas stabilunt assignatas.

Affectum hunc & ægro & medico difficilem alvi laxitate moderatâ, aut vomitu cum *dispeçia* demulceri aiunt. Quia hisce evacuationibus, acida illa, limosa ac flatulenta materia à ventriculo & intestinis deturbatur, & nisi frequentia nimis peccent, magnum inde sæpe expectatur levamen; frequens verò horum remediorum usus, ventriculum debiliorem, atque laxum magis efficit; fortiora etiam medicamenta, viscera debilitant, & calefaciunt, humoresque nimium commoventia, paroxysmum asperiores generant, atque sic in mali causam degenerat remedium.

A narium hæmorrhagia, hæmorrhoidum apertione, mensium profluvio, & varicibus etiam expectatur salus. Sanguinis ebullientis & agitati diminutionem non parum prodesse observarunt & medici & ægri: Hoc enim modo cerebrum à furenti non provocatur & accenditur sanguine, sed spiritus suos feliciter satis componit & distribuit; ut ventriculi fibræ fortius constringentes,

cibos & melius amplectantur & expellant, ac vapores à pastu benigni, aciditate vel acrimoniâ infecti nullâ, spiritus illos jam facile ad quietem & somnum disponant. Pulmonum vasa, ebullienti non infarcta sanguine, non gravant respirationem, sed facile musculorum motum flaccidi sequuntur pulmones. Ventriculus, minori partium adjacentium infestus calore, rectius suum exsequitur officium; spiritus animales, nimio non dissipati sanguinis calore, fibras inflant, & contrahunt, ut ingesta facilius concoquat stomachus, digesta citò in intestina comprimat, ut mora longiori acido illo non infecta inquinamento, singulis alimentum præbeant idoneum.

Hæmorrhoidum verò apertio vel arte vel natura instituta, majorem ideo adfert utilitatem, quam venarum reliquarum sectio; quia ventriculum, intestina, cæteraque abdominis viscera immediate magis lacunat; unde sanguinis circa ventriculum diminutus fervor, flatus tam copiose non excitat. Hæmorrhoides immediate magis à visceribus abdominis derivant, quia venæ hæmorrhoidales ab arteriis mesentericis suum recipiunt sanguinem, è quibus effusus, à Cœliaci & Mesentericæ superioris furculis (hepatis, ventriculo & lienis famulantibus) ob originis vicinitatem immeditatè magis derivatur sanguis, unde minor circa ventriculum, hepar & lienem sanguinis reperi-

tur

tur & quantitas & fervor, sæliciterque magis succedit concoctio. In brachii verò vel pedum venis, majori à visceribus concoctionis distantia separatis, non tam immediata est derivatio, ideoque minus prodest.

Eadem ratione in mulieribus mensium profluvio symptomatum horum demulceri furorem est compertum. Atque hinc rarò fæminas invenire licet hypochondriacas. Menstruali enim evacuatione à ventriculo vicinisque visceribus derivatur sanguis, & contemperatur ejus orgasmus, adeo ut sæliciter sua exsequantur officia. Si verò deficiat hoc naturæ præsidium, ventriculi, hepatis, lienisque vasa statim sanguis pleniori gravantur infarctu, ut cibos nec appetant nec digerant, sed sub flatuum ac sanguinis accensi copiâ laborantes, aut à malo hoc plerumque incurabili, aut passione hystericâ crucientur.

A varicibus etiam sæpe obtinere salutem; quomodo verò varices vel morbum, vel morbi causam, aut symptomata diminuant, inquirendum est. Varices ab humoribus melancholicis, ac crassis in venis congestis, illarum tunicas tendentibus, fieri contendunt medici. Quomodo verò humores crassi in venis congeri possint, sine vasorum obstructione impedita sanguinis circulatione rationi consentaneum non est. At obstructa vasa affectum hunc non tollunt, imo
inter

*i*nter causarum catalogum huius mali enumerantur. Varicum itaque alia est indaganda generationis via, & à laxatis in parte aliqua venarum fibris, à nimia per flatum tensione illos generari animadvertimus. Cum fibrarum (quocunque modo debilitentur) læsa sit actio, ut æqualibus contractione non contendant viribus, sed in parte hac laxiores, magis pressioni cuilibet facile cedant: Flatus tunc in sanguine, fermentatione semper commoti, locum quærentes ampliorem, venarumque latera tendentes, laxatas fibras propellunt magis, eoque in loco tunicam in tumorem mollem, & pressione cedentem, attollunt, quem varicem appellant. Quomodo vero hi venarum tumores affectum hunc lenire possint inquirendum est. Flatus in sanguine commotos, multorum circa ventriculum, pulmones, cor, ac cerebrum symptomatum authores fuisse diximus, qui cum in extremis, tumoribus hisce varicosis, diversorium offendant; tantâ violentiâ interna illa non excruciant viscera, atque sic sub minori paroxysmi ferocitate laborant ægri; levantque dolorem varices revulsis à visceribus ad extrema flatibus.

Amara omnia prosunt & ventriculo amica habentur: laxatas quia fibras sua stipticitate contrahunt, ac sale, quo maximè abundant, putrefactionem retardant, acidosis in ventriculo figunt succos & educant, limos

fos

fos etiam & viscosos, hepatis aliorumque viscerum obstruentes vasa; abstergunt humores; ac superfluam, qua relaxantur fibræ, absumunt & exiccant humiditatem. Dulcia è contra, fibras relaxant, ac spiritibus suis corrosivis sanguinem accendunt & fundunt, adeo ut in omni salium suctu, majori violentia in flaccidas & debiles statim ducatur partes, spiritusque dissipando, laxiores illas & debiles magis reddat.

Diureticis etiam (docente natura) mali hujus profligatur furor. Quia sic à sanguine succi illi per urinas separantur acidi, ut fermentatio illa in venis contemperetur molesta. Diuretica omnia multo sale gaudent, qui non solum tenuem illam & aquosam sanguinis partem separat, & ad renes invitat; sed & succos figit acidos; & cum sero propellit, omnique resistit fermentationi. Nova nondumque desæcata cervisia salis manipulo, aut absinthio, (in quo multum salis reperitur) infuso, clarescit; & fermentatio, quâ turbulenta & crassa fit, statim sedatur, crassæ & turbidæ præcipitantur particulæ, acidi figuntur sales, & dulcescit: Atque hac ratione tartarum, absinthii & centaurii sales, tanti sunt in curatione hujus mali valoris; quia succos figendo & præcipitando acidos, fermentationem tollunt, atque sic sine tumultu & turbatione cibi in ventriculo dissolvuntur, & sanguis per totum patatius circulat Microcosmum.

Effi-

Efficacissima vero chalybs & acidulæ habentur remedia; non autem quia pondere suo aut proprietate aliqua obstructions referant, ut humores melancholici sic per sedem excernantur nigri, uti somniantur medici, sed ob facultatem stypticam.

Acidulæ ideo prosunt, quia chalybis vitriolo impregnantur: chalybs vero prodest, quia sale vitriolato abundat, qui stypticam & stringentem habens facultatem partes constringit laxas, atque eo nomine malo huic adversatur Laxitas & flaccidas ventriculi fibras morbi hujus, sicuti & aliorum plurium fuisse causam diximus; quomodo vero à ferri stypticitate subsidium & curam obtineant inquirendum est.

Chalybis vitriolum est stypticum egregium, laxatas partes contrahit ac figit, flaccidas cogit ac firmat, ac disjunctas unit, debilesque sic confirmat ac roborat, ut quævis suum feliciter perficiat opus. Hoc autem agit vitriolum vel superfluum & relaxantem diluendo humiditatem, ut è poris facilius exprimatur & inde partes cogendo, sic unit & firmat, ut peregrinos tam facile non admittant humores: vel fibras exiccando, firmiores reddit, ut spiritus influentes facilius illas impleant & contrahant. Quod vero vitriolum partes condensat & contrahat, docet satis linguæ asperitas & contractio, si modo leviori tactu illi affricetur. Panni lanei etiam qui illo tinguntur, duriores videntur, & asperius tactum feriunt, quam qui alia inficiuntur tinctura. In ventriculo itaque acceptum hoc vitriolum laxatas fibras contractiores & constipatis magis efficit, ut ingestos cibos asperius amplecti; & digestos feliciter exprimere possit, ut nihil in fundo acescere relinquantur, sed probe concoctus & dissolutus cibus, continuata contractione in intestina expellatur totus; ubi nova (adjuncta bile) inchoatur fermentatio & inde perfecta præcipitatur ac separatur ciborum tinctura, lacteis colligenda. In quorum ora, fibrarum intestinorum continuata contractione impellitur,

tur, non suctione attrahitur. Quando autem intesti-
norum fibræ fortius se stringant, tanto rectius per
lacteas distribuitur chylus; si vero laxiores reddan-
tur, flatibus statim distenduntur intestina, ut chy-
lum ab excrementis, illorum compressione ac con-
strictione separare nequeant. Quæ intestinorum læ-
vitas & fibrarum laxitas, vitriolo hoc chalybis sæli-
citer etiam corriguntur. Cæteraque viscera contra-
cta ac firmiora hujus stypticitate reddita, omnem
respuunt humiditatem superfluum, neque flatuum
tensionem immoderatæ cedunt; sed omnes partium
fibræ æqualiter tensæ, & contractæ æqualibus om-
nem violentiam opponunt viribus.

C A P. VIII.

*De nocentibus in Hypochon-
driacis.*

NOcent primo in diætâ errores cum vel non
justa quantitate, aut tempore non opportu-
no ingeruntur, aut qualitatibus nocivis im-
pregnantur cibi.

Cibi licet succi benignioris fuerint, multumque
nutrimenti, facilisque concoctionis habeantur, si
quantitate nimia ventriculi distendant fibras, ut ex-
pulsionem tempore debito non sufficiant, acescunt sta-
tim, atque hinc molesta incitatur fermentatio,
rotaque inficitur chyli massa.

Siquidem si indigestis prioribus, aut saltem è ven-
triculo cibis non exclusis, ingerantur alii; illorum
fracida putredo, atque inde fermentatio molesta,
posteriolem resolutionem impèdiat & chylum vis-
cosum, acidum & flatulentum generabit.

Si qualitatibus gaudeant nocivis, quæ scilicet vel
partium separationem retardare, aut ventriculi a-
ctione pertinacius resistere poterint. Quæ etiam ven-
triculi

triculi fibras nimia imbuunt humiditate, easque relaxant; aut acrimonia ferina ad expulsionem præcipitem excitant. Si particulis flatulentis luxurient, qualia sunt fructus horarii, qui non solum flatibus fibrarum contractionem impediunt, sed facile ac cito putrescentes acorem contrahunt. Et quo magis spiritibus fermentatione hac exaltatis abundant, eo citius, ac majorem, asciscunt aciditatem. Succus enim spirituosus si à cæteris post fermentationem separantur particulis, mitem ac blandam exuentes naturam, vinosi fiunt; sed si diutius quam par erat, cum sæculis una commisceantur, à solutis salibus, præcipue acidis, figuntur rursus, eoque majorem contrahunt acrimoniam & ferociam, quo magis spiritibus abundant vinosi.

Ob hanc itaque rationem inimica esse omnia observantur vina, liquores fortiores & spirituosi, qui in ventriculo aciditatem majorem acquirunt, & fermentationem illam ac turbationem, Hypochondriacis assuetam, pertinaciorē ac citius concitant, quam liquores alii mitiores ac minus spirituosi.

Vigiliæ nimis, exertitia immoderata, animi nimia intentio, lucubrationes, præsertim à cœna, & animi pathemata affectum hunc fovere & augere solent. Quia caloris ac spirituum revocatione vel digestionem in ventriculo reterdant, aut quia sanguinem spirituosum nimis ac flatulentum commovent nimium & colliquant, unde fermentatio universalis conciliantur, & in furorem adiguntur particulæ spirituales omnesque exinde læduntur actiones.

Otium denique ac vita sedentaria nocent, quia partes emolliunt ac fibras relaxant, unde in extremis adeo feliciter sanguinis, non perficitur Circulatio; sed in vasis præcipue majoribus celebratur. Atque inde ad interiora retractus calor, ea relaxat nimium ac debilitat, ut rite sua exequi officia nequeant.

CAP. IX.

An chalybs in Affectione Hypochondriaca Utilis sit?

IN affectionis hujus curatione multum celebrari chalybem, & Veterum & recentiorum observationes abunde restantur. Quomodo verò quave virtute aut energia, tale præstet officium, controvertitur. De temperamento non minus litigantes; nonnulli illum temperatum, alii frigidum, alii calidum, & siccissimum esse; atque ideo in hac affectione minus convenire, volunt. Alii pondere partes obstructas permeare, & ita ab Infarctu liberari vasa contendunt. Alii abstergendi & aperiendi vim habere statunt, atque sic mucosas obstruentesque particulas eliminari volunt, cum humores à parte cui adhæreant quasi abradat. Alii peculiarem cum humore melancholico & adusto habere cognationem, atque ideo illam seu attrahere seu imbibere, & cum eo uniri autumant, cum bilis atra seu melancholia vitriolatæ naturæ sit particeps, & ferruginei quid sapiat, quæ cum crassiori chalybe unita per alvum ex turbatur: Alii illum astringere; calorem & humorum effervescentiam reprimere; atque ideo in dysenteria perutile haberi remedium. Alii illum desiccare & ulcera agglutinare. Alii alvum turbare, vomitumque ciere; alii vomitum sistere; ac reprimere contendunt. Adeo ut non leve sit negotium determinare, an consultius illi fecerint qui in dysenteria & hæmorrhagia (ut sistatur fluxus) chalybis suaserunt usum; an qui in viscerum & mesenterii obstructione, ut fundantur humores & reserata vasa infarctus ex turbent suos, usum etiam suadent chalybis. Sine discrimine à medicis præscribitur, & experientia approbat usum: non solum hæmorrhagias aliosque sistit fluxus, sed & hepatis lienisque obstructionibus aperiendis utilis est.

Diversitatem operationis quæzunt nonnulli ex diversitate præparationis. Alii ex quantitate & proportionem doses; alii ex sulphuris & mercurii commissione, aut fuga, cum igne violentiori absumantur.

Sed de hisce audiamus Sennertum. Præparationem quod attinet, licet plures (inquit) illum resolvendi apud Chymicos reperiantur modi, omnes ad mutationem in vitriolum aut vitriolatam naturam tendunt. Præparatio itaque non diversificat effectum cum ab illa, quæcunque fuerit, solum resurgat vitriolum aut quid vitriolatum: quod ratione suarum qualitatum, aut partium distinctione, diversos effectus producere nequit. Alius itaque agendi modus quærendus est, quomodo vitriolum hoc chalybis tam solvendo quam stringendo præstet, videamus.

Vitrioli virtus propria est constringere; de quo Galen. Lib. 9. De simil. medic. facult. *Vehementissima adstrictioni admixta est caliditas non instrenua; constat ergo, quod maxime condire & servare carnes humiditas potest, nimirum caliditate humiditatem absorbens, atque adstrictione substantiam contrahens & consipans; hoc enim opere nonnihil humiditatis ipsius exprimit; constringit, etiam desiccaturque contrahit in se substantiam carnis.* Vehementissime adstringit vitriolum; chalybis etiam omnes præparationes vitriolum efficiunt; & cum vitriolatæ naturæ unus & idem sit modus agendi, *humiditatem caliditate absorbens, & adstrictione substantiam contrahens & consipans facultate styptica & restrictiva, qua maxime pollet, chalybem actiones hæc utraq; perficere dicimus.*

Fluxus omnes, hæmorrhagiam, & dysenteriam stypticitate sua cohibere facile conceditur. Intestinatorum lubricitatem & laxitatem constringit; poros consipando sudores reprimat; hæmorrhagiam sistit, aperta vasa restringendo consolidat, expectorationem prohibet, cum vasa cohibendo angustiora reddat.

Quomodo verò sua stypticitate contrariam peragat actionem, & obstructions, uti volunt Medici, referant, non tam certa fide amplectitur. Cachecticis, menstuis suppressis, & hypochondriacis chalybis usum suadent, ut hepatis, lienis ac uteri obstructions eliminentur: & effectum expectationi respondentem inveniunt, lunare tributum reddit non menstruata; floret facies cachecticæ, hypochondriacus suos non metuit timores. An vero hoc agat chalybs vasa aperiendo obstructa, non immerito dubitamus cum vasa in hisce affectibus re aliqua extranea non semper occludi judicemus. Sed cum vasa accidenti aliquo levi restricta, naturæ impulsui non obedientia, excretioni aut circuitui non facilem præbent sanguini exitum; ad interiora repulsus recurrit sanguis, & ad vasa retrahitur majora. Quæ, copia affluente majore quam par erat, ulterius semper distenta relaxantur, ut in illis spatium seu hospitium largius, quam soleat, præbeatur. Unde ad extrema aut vasa minora non relaxata, non tanta circulatur vi, ac celeritate; sed in majoribus præcipue celebratur, adeo ut minora vasa minus distenta, onus illud naturæ molestum & plethoram deponere non sollicitentur. Atque hinc in medicorum observationibus ut obstructæ æstimentur, cum revera sanguis in majoribus & nimium relaxatis internis præcipue circulatus ac retentus; in minoribus exitum aut evacuationem non quærat; sed relaxata & debilitata majora vasa, onus illud suscipiant totum, redundantæ impetum ferant, & consuetas evacuationi excusent vias.

Hinc Cachecticæ Virgines, menstuis deficientibus, licet sanguis maxime redundet, pallidæ tamen & decoloratæ semper inveniuntur; cum venis in extremis exilibus, pulsuque debiliore. In venis autem internis majoribus, multus redundat sanguis: maximeque distenduntur vasa, præcipue in pulmonibus, ac capite; atque hinc difficilis respiratio, & dolor capitis, cum natium hæmorrhagia frequenti, cachexiæ comites reperiuntur. Atque


Atque hisce vicem remedii obtinuit chalybs ; quorum scilicet vasa interiora cuncta , aut partis aliqujus particularis præcipua nimium relaxata , torius massæ redundantiam recipiunt , atque inde debilitantur , vicinas partes gravant , & debitam circulationem , retardant. Hæc vitrioli stypticitas constringit rursus & contrahit , ut æquali proportionem ad singula vasa derivetur sanguis , atque hoc modo singulis partibus proportionatus communicetur & sanguis & calor , ac vasa excretioni dicata redundantiam illam ac onus proprium modo in majoribus internis contentum suscipiunt debitoque tempore excernunt , non quod obstructa referet , sed quia nimium relaxata constringit chalybs.

Sed hic objici potërit , licet præparationes Chymicæ chalybem in vitriolum resolvant ; atque sic stypticitate sua constringat vasa , ut in dysenterica & fluxibus sistendis multum prodesse possit : non præparatus tamen aut crudus , ut obstructions eliminentur , exhibetur ; atque hoc modo efficaciter magis operatur ; unde credendum est non stypticitate opus hoc referandi , ut dictum est , peragi sed virtute alia abstergente , quâ in præparatione privatur.

Chalybs præparatus feliciori forsan successu in obstructionum eliminatione suadetur , quam non præparatus , ac minori nausea ventriculum gravat. Ubi in stomacho scilicet , crudus æque ac in vitriolum reductus , dissolvuntur ambo , & excremento æquali nigredine tingunt. Si itaque in ventriculo solvatur crudus , aut non præparatus ; idemque quod à Chymicis artificiali illorum dissolutione , naturali illa in ventriculo agatur ; eisdemque & in morbo excretis edat effectus ; quid obstat quin & easdem facultates ab eodem agendi principio luxuriantes habere concludamus?

F I N I S.





65

P.C.

A.D.

xxx
A-46

BIBLIO
Vittor

X

4